

張氏醫通

張氏醫通卷十六

長洲石頑張

瑞路王父

男

以柔安世

訥遜言

叅訂

夫字有字母。方有方祖。自伊尹湯液一脈相傳。與  
釋氏傳燈無異。苟能推源於此。自然心手合轍。諒  
非時師所能測識也。

桂枝湯

玉函

治風傷衛氣。脈浮緩發熱自汗。營衛

不和。

桂枝 三錢

白芍 三錢

甘草 炙 二錢

生薑 五片

大棗 四枚

右五味、水煎溫服。啜熱稀粥一盞、以助藥力。覆煖取微汗、効。不汗、少頃再服。

小建中湯 玉函

治風木乘脾、寒熱腹痛。

桂枝湯倍芍藥、加膠飴三錢。

黃耆建中湯 金匱

治虛勞感寒、發熱自汗。

桂枝湯加黃耆錢半、膠飴一合。○千金多人參二錢。

桂枝湯和營表藥。倍芍藥。加膠飴。便能建立中氣。以芍藥之酸。斂護營血。膠飴之甘。培養中土。更加黃耆以實衛氣。營衛藏府俱和而受益多矣。千金於小建中方。加入當歸。名曰內補建中。其調和中外之力可知。

陽旦湯 千金

治冬溫脈浮發熱頭強頭痛

桂枝湯加黃芩錢半

陰旦湯 千金

治冬溫內寒外熱肢節疼痛中挾寒

食

桂枝湯加黃芩錢半乾薑五分

陰霏四塞。非平日之氣。無以開收陽和。桂枝湯原名陽旦。開收陽邪之藥也。千金於中加人黃芩之苦寒性輕。以治冬溫在表之邪熱。仍以陽旦稱之。若兼挾寒食。再加乾薑之辛溫散結。以治中土之停滯。遂因之曰陰旦。與經絡之陰陽風馬牛不相涉也。

獨活湯 千金

治風懿奄忽不知人。咽中閉塞不能

言。四肢不收。手足彈曳。

桂枝湯桂枝易桂心去大棗加獨活枯蕒根生薑  
葛發其汗不得汗去獨活枯蕒根生薑加防己  
防風麻黃瘡癰不語並皆治之

當歸四逆湯

玉函

治陽邪入犯厥陰四肢厥逆

桂枝湯去生薑加當歸三錢細辛通草各一錢  
邪犯厥陰之界有入無出雖有熱邪勢必從陰而  
爲厥逆故厥陰篇中有厥深熱深之例以振發傳  
經之變端病邪至此最爲緊迫醫者苟無成識於  
胸中臨病將何措指南陽先師乃毫不以厥逆爲

意仍取太陽例中桂枝湯方加入當歸協濟芍藥以護厥陰之營。細辛引領桂枝以爲厥陰嚮導。通草通利膀胱以疏厥陰出路。與桂枝平分力量爲分解之捷徑。雖厥陰與太陽兩經接壤。邪旣入陰斷無復傳陽經之理。先輩六經例有不能再傳之說。大可噴飯。而桂枝方中獨去生薑者。恐辛辣性暴。不待氣味入陰。便從太陽開發。轉虛其衛。再有何力以振驅邪之任歟。由是廣推大小青龍大小柴胡和解營衛兩岐表裏交界之邪。必用薑棗爲

一定之法。若麻黃湯則專主寒傷營證。便與生薑  
無預逮。至三陰等治。從無一方。泛用生薑者。生薑  
爲手頭常用之物。尚爾若此之慎。況有不察厥深  
熱深之旨。一見四肢厥冷。漫投薑附。四逆於此能  
無戚戚乎。

內補當歸建中湯 千金

治產後血虛。虛羸不足。腹

中刺痛。少腹中急。或感寒發熱。

桂枝湯。桂枝易肉桂。加當歸二錢。膠飴六錢。

崩傷內衄不止。加地黃六錢。阿膠二錢。產後一月



服四五劑令人強壯。

桂枝龍骨牡蠣湯

玉雨

治虛勞夢泄惡寒發熱。

桂枝湯加龍骨

煖

牡蠣

熬

各錢半

桂枝大黃湯

玉雨

治太陰中風誤下引邪入內腹

滿痛。

桂枝湯加大黃一錢

桂枝湯表藥也。以其誤下引邪入內。賊而腹滿痛。渾是表邪在內不解之故。故仍用桂枝湯。畧加大黃。因勢利導。病既變。則藥亦不得不隨之而變也。

桂枝葛根湯

玉函

治太陽經柔痙自汗脈浮

桂枝湯加葛根二錢

栝蒌桂枝湯

金匱

治痙太陽證備身體強凡凡然

脈沉遲

桂枝湯加栝蒌根二錢

桂枝加附子湯

玉函

治亡陽漏風肢體屈伸不和

桂枝湯加熟附子一錢

桂枝加黃耆湯

金匱

治黃汗發熱脛冷腰以上汗

出下無汗

桂枝湯加黃耆二錢

耆芍桂酒湯

金匱

治汗如漿汁肢體腫發熱汗出

而渴

桂枝湯去甘草薑棗加黃耆五錢苦酒和水煎

黃耆桂枝五物湯

金匱

治血痺身體不仁如風狀

桂枝湯去甘草加黃耆等分○千金桂枝易桂  
心加人參名黃耆湯

茯苓甘草湯

玉函

治風邪入犯膀胱氣分小便不

利

桂枝湯去芍藥大棗加茯苓二錢

苓桂朮甘湯

玉函

治心下有支飲胸腹支滿目眩。

枳枝湯去芍藥薑棗加茯苓二錢白朮一錢

此僅用桂枝湯之半以流動中外之支滿兼四君子之半以運行在裏之痰氣也。

桂枝去芍藥加皂莢湯

金匱

治肺癰吐涎沫初起

有表邪者。

桂枝湯去芍藥加皂莢一枚

去皮核酥炙

桂枝去芍藥加麻黃附子細辛湯

金匱

治氣分心

下如盤。

桂枝湯去芍藥加麻黃附子各一錢細辛半錢。病在氣分非麻桂不能分解病氣盤錯非辛附不能破結去芍藥者惡其酸收也。

小青龍湯

玉函

治溢飲喘欬自利發熱當發其汗。

桂枝湯去薑棗加麻黃三錢半夏二錢炮薑細辛五味子各半錢。

小青龍加石膏湯

金匱

治喘欬上氣煩躁心下有

水氣。

小青龍湯加石膏雞子大一枚碎

桂枝麻黃各半湯上面治太陽證脈微惡寒

桂枝湯加麻黃杏仁

桂枝二越婢一湯玉函治營衛俱傷風多寒少而

煩滿

桂枝湯本方各二錢加麻黃二錢石膏三錢

桂枝芍藥知母湯金匱治肢節痛脚腫如脫

桂枝湯去大棗加麻黃二錢白朮半兩知母防

風各四錢熟附子二錢

炙甘草湯

玉函

治傷寒脈結代心動悸及肺痿唾  
多心中溫溫液液虛勞不足汗出而悶

桂枝湯去芍藥倍甘草。加入參二錢生地三錢  
麥門冬二錢麻子仁一錢阿膠二錢

混是清潤調補藥中。但用桂枝一味以流動經脈  
之滯。麻仁一味以滋潤腸胃之結。而脈虛結代心  
虛動悸一切虛勞不足。得以榮養。則脈虛自復。心  
悸自寧矣。

芍藥甘草湯

玉函

治營血受傷熱不上

桂枝湯去桂枝薑棗

芍藥甘草附子湯

治發汗病不解反惡寒及瘡家

發汗成瘰

桂枝湯去桂枝薑棗加附子一錢炮

黃芩湯

玉函一名黃芩芍藥湯

治伏氣發溫太陽少陽合病

白利

桂枝湯去桂枝生薑加黃芩三錢

黃芩加半夏湯

玉函

治伏氣發溫內挾痰飲痞滿

欬逆



桂枝湯去桂枝加黃芩三錢半夏二錢  
黃芩湯本治春夏溫熱自內發故於桂枝湯中  
除去桂枝生薑之辛溫易以黃芩之苦燥轉溫散  
爲涼解大匠運斤妙用不可思議後世借以治下  
利身熱亦不出此其黃芩加半夏湯治自利而嘔  
與夏秋下利白沫若合符節異病同治總不出南  
陽之繩墨也

麻黃湯

上四

治寒傷營氣脈浮發熱無汗而喘骨

節痛

麻黃

三錢

桂枝

三錢

甘草

錢

杏仁

二十枚泡  
去皮尖碎

右四味水煎溫服。煖覆取微汗。不須啜粥。以寒邪

入傷營氣。營氣起於中焦。恐穀氣反助邪熱也。

麻黃加朮湯

金匱

治溼家身體煩疼。日晡發熱。

麻黃湯加白朮四錢。

溼家身疼煩熱。渾是軀殼受傷。卽用麻黃湯開發肌表。不得白朮健運脾氣。則溼熱難從汗泄。而水穀之氣依然復爲痰溼流薄中外矣。然朮必生用。

若經炒焙但有健脾之能而無祛溼之力矣

古今錄驗橘皮湯

金匱

治寒邪傷肺欬嗽吐血

麻黃湯換肉桂加橘皮當歸紫苑黃芩

麻杏甘石湯

玉函

治發汗後汗出而喘無大熱者

麻黃湯去桂枝加石膏半兩

此麻黃湯去桂而兼越脾之意。當祛上焦溼熱痰氣與苓桂朮汁湯互發彼精苓朮專祛心下之支飲此藉石膏專祛膈上之溼熱也

麻黃杏仁薏苡甘草湯

玉函

治風溼一身盡痛發

熱日晡所劇者

麻黃湯去桂枝。加薏苡半兩。

杏子湯 治風木虛脹脈浮發其汗卽已。

麻黃湯去桂枝

又易簡杏子湯用小青龍加人參杏子仁

甘草麻黃湯

金匱

亦治裏水

麻黃湯去桂枝杏仁方用甘草二錢麻黃四錢。

葛根湯

玉函

治太陽陽明合病自利或發熱無汗。

喘滿不食。

麻黃湯去杏仁。增桂枝一錢。加葛根四錢。芍藥

二錢生薑三片大棗三枚

此卽麻黃桂枝二湯合用於中但去杏仁增葛根爲陽明經證之專藥以其能輔麻黃大開肌肉也去杏仁者旣開肌肉於外不當復泄肺氣於內也聖人立法一方一味各有斟酌非刻意研求烏能測識其微而爲倉生司命哉

三拗湯局方

治風寒傷肺而欬悞行欬肺而喘嗽

喘急

麻黃湯去桂枝用麻黃

不去節

甘草生

杏仁

連皮尖

等分更加桔梗荆芥名加味三拗湯

麻黃附子細辛湯

玉函

治少陰病脈沉發熱及水

腫喘欬

麻黃湯去桂枝杏仁甘草加附子一錢細辛半

錢

附子散

千金

治中風手臂不仁口面喎僻

麻黃附子細辛湯加乾薑桂心人參防風芎藭

羚羊角爲散水煮加竹瀝日服一劑効

急六當歸湯 治戴風口噤角弓反張成瘓

麻黃附子細辛湯加當歸防風獨活酒和煎。  
口不開者。格口內湯一服。當蘇。二服小汗。三服  
大汗。

麻黃附子甘草湯

金匱名  
麻黃附子湯

治少陰病脈沉發

熱。二三日無裏證。及水腫脈沉。

麻黃湯去桂枝杏仁加附子一錢。

千金大棗湯 治歷節疼痛

麻黃附子甘草湯加黃耆薑棗日三服汗之。

發表重劑莫如麻黃溫經峻藥首推附子表裏補

瀉功用天淵。仲景於少陰病脈沉發熱二味合用。單刀直破堅壘而建補天浴日之功。在一二日間。勢難叵測。則用細辛以助其銳。二三日無裏證則用甘草以緩其治。各有權度。金匱於水腫治例亦用二湯。喘嗽則兼細辛以開肺氣之壅。脈沉則兼甘草以緩腎氣之逆。與初起防變。二三日無裏證。乃發而倉公乃於麻附細辛方中加當歸防獨以療賊風口噤發瘕。千金復以麻附甘草湯內加黃耆。黃耆以治歷節疼痛。總賴麻黃附子。輒外輒內。



迅掃其邪。某日常陽。何有陰霾之患乎。

麻黃升麻湯

治冬溫誤行汗下。下部脈不至。

咽喉不利。唾膿血。

麻黃湯去杏仁。用麻黃二錢。桂枝甘草各八分。

加升麻當歸各一錢。知母黃芩萎蕤各二錢。天

門冬芍藥乾薑白朮茯苓石膏各八分。

此方專主陽熱陷於厥陰。經脈爲邪氣所遏。故下部脈不至。而證見咽喉不利。唾膿血也。邪遏經脈。非兼麻黃桂枝之制。不能開發肌表。以泄外熱。非

取白虎越脾之法不能清潤肺胃以化裏熱更以  
芍藥甘草參黃苓湯寒因寒用謂之應敵甘草乾  
薑合腎著湯熱因熱用謂之嚮導以病氣龐雜不  
得不以逆順兼治也

華蓋散

局方

治肺受風寒欬嗽聲重煩滿昏眩脈

浮數

麻黃湯去桂枝方用麻黃杏仁各一錢甘草五  
分加蘇子赤茯苓橘紅桑根皮各一錢生薑二  
片紅棗一枚

九寶湯 治經年久嗽不愈脈浮起於外感者

麻黃湯加紫蘇薄荷橘紅桑白皮大腹皮等分。

生薑三片。烏梅肉半箇。

麻黃連軹赤小豆湯 玉函 治濕熱發黃

麻黃湯去桂枝減麻黃一錢加連軹即連二錢。

赤小豆一合。生梓白皮一兩。生薑三片。大棗四枚。水煎分溫三服。半日服盡。

越脾湯 金匱 治風水惡寒一身悉腫脈浮不渴續

自汗出無大熱者

麻黃湯去桂枝杏仁倍麻黃加石膏八錢生薑  
三片大棗五枚水煎溫分三服

越脾者發越溼土之邪氣也。水溼之氣因風流播  
中外兩相激搏勢難分解不得不藉麻黃祛之從  
表而越石膏清之從裏而化內經開鬼門法也。本  
方加朮以助腠理開汗大泄於加朮方中更加附  
子以治脚痺惡風開中寓闔信手合轍其大青龍  
小續命麻杏甘石湯或加桂枝以和營或加參歸  
以鼓氣或加杏仁以泄滿總以此方爲樞局也。

或問表無大熱。何得輕用麻黃。內無煩渴。何得輕用石膏。蓋惡寒身腫自汗。渾是淫氣鬱著。非風以播之。不能解散。麻黃在寒傷營劑中。則爲正治。在開痺溼門中。則爲導引。石膏在白虎湯中。則爲正治。在越脾青龍續命方中。則爲導引。不可以此礙彼也。

越脾加朮湯

金匱

治肉極熱。則身體津脫。腠理開。

汗大泄。厲風氣下焦。脚

越脾湯加白朮四錢

越脾加朮附湯

金匱

治脚痺惡風

越脾湯加白朮四錢附子一錢

越脾加半夏湯

金匱

治肺脹欬而上氣

越脾湯加半夏半兩

大青龍湯

玉函

治營衛俱傷脈浮寒汗不得出而

煩躁

越脾加杏仁十四枚

去皮

桂枝二錢

文蛤湯

金匱

治吐後渴飲不止脈緊頭痛

越脾湯麻黃減半加文蛤半兩杏仁十五枚

續命湯

金匱名古方  
錄驗續命湯

治中風癱瘓身體不能自收并

治但伏不得卧欬逆上氣而目浮腫

麻黃

桂枝

千金局方當歸  
俱作桂心

人參

石膏

乾薑

甘草

炙各三錢

芍藥

一錢

杏仁

三十枚  
金作白木

右九味水煎溫服。當薄覆脊。憑几坐。汗出則愈。不

汗更服。無所禁。勿當風。○千金續命湯無人參。有

防風。黃芩。芍藥。○續命風引湯。多防已。防風。獨活。

附子。治中風癱瘓。不知人。狂言。舌腫出。○千金依

源續命湯。多白朮、茯苓、大棗，爲十二味。

小續命湯

千金

治中風外顯六經形證。

續命湯去石膏，加芍藥、防風、黃芩，各一錢四分。

防已一錢，熟附子七分，生薑五片，大棗一枚。

崔氏

外臺不用防已大棗

無汗惡寒，倍麻黃、杏仁。有汗惡風，倍桂枝、芍藥。無

汗身熱不惡寒，去附子，倍甘草。加石膏，知母。有汗

身熱不惡風，倍桂枝、黃芩。加葛根。無汗身涼脈沉

細，倍附子。加乾薑。有汗無熱畏寒脈沉，倍桂枝、附



子甘草肢節痺痛麻木不仁脈緩加羌活連翹

老加減法

張景岳曰按歷代相傳治中風之方皆以續命等湯爲主考其所自則始於金匱要畧附方中有古今錄驗續命湯然此必宋時校正之所增而非仲景本方也此自隋唐以來則孫氏千金方乃有小續命大續命西州續命排風等湯故後世宗之無不以此爲中風主治矣夫續命湯以麻黃爲君而與薑桂並用本發散外邪之方至小續命太續命

西州續命等湯。則復加黃芩以兼桂附。雖曰相制。而水火冰炭。道本不同。卽有神妙。終非余之心服者。其他無論。獨怪乎河間東垣丹溪三子者。旣於中風門。皆言此病非風矣。何於本門並首列小續命湯。而附以加減之法。又何前後之言不相應耶。大續命湯。千金。治中風。肥盛多痰多渴。肢體不遂。續命湯。去人參。加黃芩。荆瀝。一作竹瀝西州續命湯。千金。治中風。痲身。體不能自收。口不能言。冒昧不識人。欬急不能轉側。

大續命湯去荆瀝

八風續命湯

千金

治卒中半身不遂手足掣急

續命湯去麻黃芍藥加獨活黃芩水煎溫服覆汗不得汗倍麻黃

排風湯

千金

治中風肢體煩疼皮膚不仁

續命湯去人參石膏乾薑加防風芍藥白朮茯苓獨活白蘼皮生薑

升麻湯

一名升麻湯

治陽明經邪發熱及痘疹初起

升麻

一錢

葛根

白芍

各錢

甘草

炙八分

右三味水煎溫服

升葛爲陽明經之嚮導。陽明專主肌肉。恐開泄太過。卽以白芍斂護營血。甘草調和中氣。所以解利本經邪熱。及時行痘疹。皆爲專藥。然在起脹後禁用。

秦芫升麻湯 治中風口目喎斜。

升麻湯加秦芫、人參、桂枝、白芷、防風、葱白。

升陽散火湯 治胃虛過食寒物。抑遏陽氣於脾土。

醫

通

卷

六

升麻

湯

六

六

六

六

六

中畏寒發熱火鬱則發之也。

升麻湯加羌活獨活人參柴胡防風用生甘草  
火鬱湯 治火鬱不舒凜凜惡寒不止。

升麻湯用生甘草加柴胡防風葱白。

按此卽升陽散火湯去羌活獨活人參加葱白內  
經所謂惡寒非寒火鬱則發之也。

冲和順氣湯 治內傷脾氣惡寒發熱食少便澀。

升麻湯加人參羌活防風蒼朮白朮薄荷。

升陽補氣湯 治胃氣不足脾氣下溜氣短無力不。

時發熱早飯後煩悶須要眠睡五心煩熱

升麻湯去葛根加羌活獨活防風柴胡厚朴澤瀉薑棗。

和解湯一治痘三日前後起發遲。

升麻湯加入參川芎羌活防風

連翹升麻湯 治痘發太多涼內解毒。

升麻湯加連翹桔梗牛旁木通薄荷燈心竹葉。

小柴胡湯

玉函千金名黃龍湯

治少陽受邪往來寒熱脈弦

脇痛而嘔。

柴胡 三錢

黃芩

人參

甘草 炙各一錢

半夏 二錢

生薑 五片

大棗 四枚

水煎去滓溫服

治傷寒有五法。曰汗。曰吐。曰下。曰溫。曰和。皆一定之法。而少陽例中小柴和湯。專一和解表裏。少陽為陰陽交界。邪傳至此。已漸向裏。故用柴胡升發其邪。使從外解。卽以人參補截於中。不令內犯。更以半夏黃芩清解在裏之熱痰。生薑大棗併祛在

表之邪氣。又須甘草協輔參柴。共襄匡正辟邪之功。真不易之法。無容擬議者也。其方後加減。乃法中之法。定而不移。至於邪氣犯本。膽府受病。而加龍骨牡蠣。九藥誤下。而加芒硝。屢下不解。引邪入裏。心下急鬱鬱微煩。而用大柴胡。爲法外之法。變通無定。不可思議者也。獨怪世醫用小柴胡一槩。除去人參。且必加枳桔。耗氣之品。此非法之法。習俗相承。罔於橫議者也。何惟乎道藝日卑。風斯日下哉。



柴胡加龍骨牡蠣湯

玉函

治少陽經邪誤下犯本

胸滿驚煩

小柴胡湯去黃芩甘草加桂枝茯苓龍骨牡蠣

鉛丹大黃

柴胡加芒硝湯

玉函

治少陽過經不解

小柴胡湯加芒硝三錢

大柴胡湯

玉函

治寒熱便秘

小柴胡湯去人參甘草加芍藥枳實各一錢大

黃二錢

四逆散

玉函

治熱邪傳入少陰厥逆

小柴胡湯去人參半夏黃芩薑棗加枳實芍藥  
等分爲散飲服方寸匕日三服

凡病各有真假真者易見假者難辨差之毫釐迥  
乎冰炭試以傷寒之厥逆辨之其始病使見者爲  
直中寒厥五六日熱除而見者爲傳經熱厥寒厥  
真而熱厥假也熱厥之治惟四逆散得之細推其  
邪從陽入陰必由少陽而達亦無不由太陰竟入  
少陰之理故首推柴胡爲來路之引經亦藉以爲

去路之嚮導。用枳實者。掃除中道。以修整正氣復  
回之路也。夫陰爲陽擾。陽被陰埋。舍和別無良法。  
故又需芍藥以和其營。甘草以和其胃。胃氣和而  
真陽敷布。假證愈而厥逆自除。但方後加減紛厯。  
寒熱互用。非隨證而推逆順之機。難以語此。如悸  
加桂枝。小便不利加茯苓。泄利下重加薤白。皆陰  
爲陽擾。隨其攸利而開泄之。欬利加五味乾薑。腹  
痛加附子。是陽被陰埋。急須煥發以克復之。與厥  
陰例中。當歸四逆。加吳茱萸同法。須知真證正治。

假證間取。總不出此方之模範也。至若二經熱邪亢極而厥。自有大承氣下奪之法。又非四逆散當歸四逆之和法可例治也。

柴胡去半夏加枳實湯

金匱

治瘧多渴。

小柴胡湯去半夏加枳實根。

柴胡桂枝乾薑湯

玉函金匱名  
柴胡桂枝湯

治瘧寒多微有熱。

小柴胡湯去人參半夏加桂枝乾薑枳實

根。牡蠣。熬。

柴胡桂枝湯

玉函

治太陽少陽併病合病寒熱及

症。

小柴胡湯加桂枝芍藥

即小柴胡湯合桂枝湯

柴胡四物湯

治婦人經行感冒熱入血室。

小柴胡湯合四物湯

柴胡枳桔湯

名枳桔湯

治少陽寒熱痞滿

小柴胡湯加枳殼桔梗

增損柴胡湯

治少陽血虛寒熱不止。

小柴胡湯去黃芩加川芎芍藥陳皮。

柴胡清肝散

治怒火憎寒發熱肝膽風熱瘡瘍。

小柴胡湯去半夏薑棗加山梔川芎連翹桔梗  
人參敗毒散局方治時疫初起發熱及感冒發散  
後熱不止。

小柴胡湯去半夏黃芩大棗加茯苓羌活獨活  
前胡川芎枳殼桔梗。

問時疫初起用人參敗毒得毋助邪爲虐之患乎。  
又何以治非時寒疫汗後熱不止。詳此二者一爲  
全盛之毒一爲未盡之邪。胡一方可混治耶。蓋時  
疫之發或值歲氣併臨或當水土疎豁種種不侔。

然必入傷中土。土主百骸。無分經絡。毒氣流行。隨  
虛輒陷。最難叵測。亟乘邪氣未陷時。儘力峻攻。庶  
克有濟。其立方之妙。全在人參一味。力致開闢。始  
則鼓舞羌獨柴胡。各走其經。而與熱毒分解之門。  
繼而調禦津精血氣。各守其鄉。以斷邪氣復入之  
路。與桂枝湯中芍藥護營之意不殊。如桂枝人參  
湯。小柴胡湯。參蘇飲。本堂不用人參。以協濟表藥  
成功也。但其所主。惟大人頭。以爲合轍。加荆防  
牛旁薄荷。各荆防敗毒。爲愈頸痛。咽喉腫痛之專。

藥卽上二證在熱毒既陷已後及北方黑骨溫等  
總與此方無預也。至若傷寒傳變之邪伏氣鬱發  
之證。涇渭攸分。略無交涉。而先哲嘗借以治寒疫  
汗後餘熱。往往獲効者。以非時之邪混廁經中。屢  
行疎表不應。邪伏幽隱不出。非藉人參之大力。不  
能載之外泄也。逮至疫病昏熱口噤。亦宜此方加  
陳倉米引領入胃。則毒隨藥化。得非人參輔佐之  
力歟。獨怪近世醫流。偏謂人參助長邪氣。除去不  
用。專行羣隊攻發。鼓激壯火飛騰。不至竭絕真陰。



不已。茲緣同學質問。因祖述以政。

荆防敗毒散 治大頭蝦蟆瘟證。

人參敗毒散加荆芥防風薄荷牛旁子。

倉廩湯 治疫痢發熱。

人參敗毒散加陳倉米一撮。

清脾飲 治食滯脈實。滿赤便秘。

小柴胡湯去人參加白朮青皮厚朴草果。

按清脾飲。清理脾家痰氣宿滯。及蘊積少陽經中風熱之邪。乃於小柴胡中除去人參。益入青皮白

木厚朴草果。一派尅劑之味。存於藜藿之人。固爲相宜。若膏粱養柔脆者。卽有留滯。亦難勝此。用者審之。

星香湯 治中風痰涎潮塞。不省人事。服熱不得者。

南星 三錢

木香 半錢

生薑 十片

水煎服無時。

省風湯 局方

治卒中。口噤不能言。目眼喎斜。筋脈

抽掣。風痰壅盛。

星香湯去木香。川陳膽星一錢五分。加防風一

錢生半夏黃芩生甘草各七分半

大省風湯

局方

治卒中痰逆嘔泄脈沉厥令

星香湯去木香用陳膽星二錢加防風獨活生  
附子各一錢全蠍生甘草各五分

按此卽省風湯去半夏黃芩加獨活附子全蠍二  
湯雖分寒熱主治並用生薑十片以開發風痰不  
可減也

三生飲

局方

治中風卒倒口眼喎斜半身不遂寒

閉不省人事痰氣上壅

星香湯本方川生南星一兩木香三錢半加生  
川烏生附子各五錢。搗羅爲散。每服五錢。同生  
薑十片煎服。氣虛卒倒。另加人參兩許。駕馭之。  
三生飲中風門中破的之方。雖本星香。而實得大  
省風之妙用。與續命湯相爲犄角。奪門革鼎各有  
專功。貴在先聲奪氣。無容庸師擬議。

木附湯

治寒濕體痛自汗身寒

白朮

一兩

附子

半兩

右二味水煎去滓。放涼分三服。

參附湯 治脾腎陽虛厥逆自汗

術附湯去術加人參一兩

者附湯 治元陽衰弱虛風自汗

術附湯去術加黃耆一兩

安酒炒

三因治自汗用者附術附參附三方皆用附子五錢餘俱一兩分三服服之其衛外之陽不固則用者附脾中之陽不固則用術附腎藏之陽不固則用參附凡屬陽虛自汗不能舍此三方而者附可以治虛風術附可以治寒溼參附可以壯元神三

方亦相因爲用祇用二物不雜他味取力銳以擅專功也。其外麻附桂附葛附椒附星附及大黃附子等法度森森分治九垓各具轉日回天之妙用。豈尋常可擬議乎。

桂枝附子湯

玉函

治風溼身重煩疼不能轉側。

本附湯去朮。本方用附子一枚加桂枝一兩二錢。甘草六錢。生薑一兩。大棗十二枚。分溫三服。

白朮附子湯

玉函即近効白朮附子湯

治風溼相搏骨節煩疼。

掣痛不得屈伸。近之則痛劇。汗出短氣。小便不利。

惡風不欲去衣。或身微腫。

朮附湯。木方用朮一兩二錢。附六錢。加甘草六錢。生薑一兩。大棗十二枚。分溫三服。

甘草附子湯。

玉函

治風溼大便堅小便自利。

朮附湯。木方用朮附各六錢。加桂枝一兩二錢。甘草六錢。分溫三服。

桂枝附子。白朮附子。甘草附子。三方皆木朮附湯。方面立。一加桂枝。甘草薑棗。以治身重煩疼不能轉側。其病全在軀殼。無關於裏。故於本方除去白

木使桂附專行軀殼而振驅風逐溼之功用。甘草以緩桂附之性。不使其汗大泄。汗大泄則風去而溼不去也。風在疾祛。溼在緩攻。故用生薑之辛以散之。大棗之甘以緩之。則營衛之開闔有權。風溼無復入之虞矣。○一加甘草薑棗以治骨節煩疼。掣痛等證。渾是溼流關節之患。故於本方但加甘草以緩木附之性。薑棗以司開闔之機。風之見證本輕。故無藉於桂枝也。○一加桂枝甘草以治風溼大便堅小便不利。以病氣駿駿內犯。故於本方



加桂枝助附子以杜內賊之風溼加甘草助白朮以和二便之偏滲故大便雖堅法無下奪之理

附子湯

玉函

治少陰病始得之背惡寒脈沉身體

骨節痛

朮附湯加茯苓白芍各一兩人參六錢

真武湯

玉函千金名玄武湯

治少陰下利腹痛或欬嘔小便

不利

朮附湯本方白朮六錢附子一枚炮加茯苓芍

藥生薑各一兩○欬者加五味子細辛乾薑小

便利者去茯苓下利去芍藥加乾薑嘔者去附子加生薑

詳附子湯與真武湯二方止差一味一治少陰病始得之便背惡寒口中和知其人真陽素虧故用人參以助附子之雄茯苓以行白朮之滯又恐生附性悍傷犯真陰故用芍藥以護持營血營血得安而真陰受陰矣○一以少陰病二三日不已至四五日腹痛自利四肢沉重或欬或嘔其人或外皆是水氣故用生薑佐茯苓朮附以利水爲務水

去則真陽自復。當知此證。皆山水氣鬱遏其陽。陽氣原不大虛。所以方中未附。僅用附子湯之半。又恐辛燥有傷其陰。因以芍藥保其營血。與附子湯之立法不殊。卽過汗傷經。振振欲僻地者。亦不出是方也。

附子散 治陰痺

朮附湯本方二味各用一兩。加桂心川芎獨活各半兩爲散。每服三四錢。薑棗湯煎服。

四逆湯

玉函

治陰寒脈沉。四肢厥冷。嘔吐泄瀉。

附子

生川一枚

乾薑

五錢

甘草

六錢

右三味水煎分溫再服強人可服大附子一枚乾

薑一兩

四逆加人參湯

玉函

治惡寒脈微而利

四逆湯加人參三錢至一兩

茯苓四逆湯

玉函

治發汗若下之病仍不解煩躁

四逆湯加人參三錢至一兩茯苓六錢

通脈四逆湯

玉函

治少陰病下利清穀裏寒外熱

四逆湯倍用乾薑

通脈四逆加豬膽汁湯

玉函

治吐已下斷四肢拘

急不解脈微微欲絕者

四逆湯倍乾薑加豬膽汁

白通湯

玉函

治少陰病下利脈微

四逆湯去甘草。本方薑附各三錢。加葱白四莖。

白通加豬膽汁湯

玉函

治少陰病下利厥逆無脈。

乾嘔而煩。

四逆湯去甘草。本方薑附各用三錢。加葱白四

莖。人尿五合。豬膽汁一合。

乾薑附子湯

名曰乾薑附子湯

治少陰病晝日煩躁

四逆湯去甘草

四逆湯用薑附之辛熱恢復其陽。卽用甘草以緩其性。使之徐行以達四末。專爲始病便見厥逆脈沉不發熱者而設。卽太陰自利腹痛厥陰下利拘急總不出此。以厥陰之邪無不由少陰而入也。非但三陰俱可取用。并太陽之頭痛發熱脈沉亦須用此。先收其裏然後解表。方爲合轍。而少陰病晝日煩躁用乾薑附子湯。卽四逆湯中除去甘草。

用二味以迅掃陰霾與白通立法無異以意通之  
四逆一方太陽尚所攸賴白通二例與厥陰獨無  
干預耶雖厥陰經中但有通脈而無白通詳二方  
止五更一味通脈有甘草而無葱白白通有葱白  
而無甘草一取甘緩以徐復欲絕之脈一去甘草  
以急迫將脫之陽皆用豬膽以除假熱白通專用  
葱白以通真陽又恐葱白性升引領薑附上僭故  
以人尿折而下之其通脈本方雖無葱白方後便  
有而亦加葱之例葱白既可加用人尿獨不可加

用乎。況厥陰內藏厥水。得無而赤戴陽。可用葱白  
之治乎。上法皆末流之挽。無問直中。沉寒傳經。壞  
病。病氣至此。轉逆元氣至此。逮盡非始。病便見脈  
沉發熱之比。縱兩感勢劇。尚有麻黃附子細辛湯。  
儘力可救。與前太陽例中。先後救裏解表之法。互  
相揮發。辨治之微。惟在頭之痛與不痛。爲確據也。  
精義至此。盡情剖露。後世畧不加察。妄立兩感之  
方。總未達長沙萬一耳。

回陽返本湯 治陽虛躁渴而赤戴陽欲坐卧泥水



中脈來無力欲絕者

四逆湯加人參麥門冬五味子臘茶陳皮  
而赤者下虛也加葱七莖黃連少許用泥漿水澄  
清煎服人白蜜五匙冷服取汗

此以白逆合生脈治陰極似陽最爲神妙加用臘  
茶漿水等味當矣但陳皮一味似屬不必當知人  
參既合薑附其勢歛張奚藉陳皮發揚之力哉

羌活附子散 治胃冷呃逆

四逆湯去甘草本方用附子半兩乾薑二錢加

羌活茴香各半兩木香一錢爲散每服二錢入鹽一字水煎微溫服。

木香散 治虛寒滑泄不止。

四逆湯本方用甘草乾薑各二兩附子一兩加

丁香木香肉豆蔻廣藿香訶子肉赤石脂各一

兩爲散每服三錢陳米湯下。

世本無炮薑多當歸

冷香飲子 治中暑內挾生冷飲食腹痛瀉利。

四逆湯去乾薑本方甘草附子各一錢加草果

仁橘紅各一錢生薑五片浸冷服之。

漿水散 治中暑泄瀉多汗脈弱

四逆湯本方三味各用五錢加肉桂五錢良薑

半夏各二錢五分二味俱醋炒漿水煎去滓冷服

按漿水乃秫米和麴釀成如醋而淡今人點牛乳作餅用之或用真粉作肉菜豆者尤佳

茵陳四逆湯 治陰黃脈沉細肢體逆冷腰以上自

汗

四逆湯本方用炮薑一錢五分附子甘草各一

錢加茵陳蒿一錢五分

茵陳附子乾薑湯 治陰黃脈沉細

四逆湯去甘草用熟附三錢炮薑二錢加白朮  
二錢豆蔻枳實半夏茯苓澤瀉橘紅各八分茵  
陳蒿一錢生薑五片

理中湯丸

上兩金匱  
名入參湯

治胸痺心胸痞氣霍亂吐瀉

不渴一切脾胃虛寒嘔吐清水飲食不入完穀不  
化

乾薑

炮半錢  
至一錢

人參

一錢至  
三錢

白朮

炒焦一錢  
至二錢

甘草

炙半錢  
至一錢

右四味水煎去滓溫服。○腸胃虛脫完穀不化者。  
煉白蜜丸彈子大。沸湯研和。滓日三夜二服。名理  
中丸。

附子理中湯 治下焦虛寒。火不生土。泄瀉嘔逆。

理中湯加熟附子

按方中用參三錢。僅可用附一錢。若峻用溫補。用  
參一兩。方可加附三錢。如尋常小劑。用參一錢。止  
可用附三分。設不審此。而附過於參。下咽之後。壯  
火食氣。反招竭澤之殃。製劑不可不講。

桂枝人參湯

玉函

治挾熱利不止心下痞鞭

理中湯加桂枝

枳實理中湯 治胃虛挾食及結胸本虛不能受攻者。

理中湯加枳實茯苓○千金加半夏厚朴附子。

治胸中悶亦可用陳米飲或蒸餅丸服。

治中湯 治冷食結滯。

理中湯加青皮陳皮。

連理湯 治胃虛挾食痞滿發熱。

理中湯加黃連、茯苓

理苓湯 治胃虛食滯、喘脹浮腫、小便不利

理中湯合五苓散

乾薑人參半夏丸 金匱 治妊娠胃寒嘔吐不止

理中湯去白朮、甘草。本方乾薑、人參各一兩，加

半夏二兩，薑汁糊丸。梧子大，飲服十九丸，日三服。

甘草乾薑湯 玉函 治胃中陽虛、咽乾煩躁、吐逆。

理中湯去人參、白朮

三物大建中湯 金匱 治胸中大寒、嘔吐不能食及

少腹冷積作痛

理中湯去白朮甘草。本方乾薑用四錢。人參用三錢。加蜀椒半合。去閉口者。妙去汗。水煎。大滓內膠飴。半杯。微火再煎。溫服。如炊頃。少飲稀粥一升。後更服。當一日食糜。溫覆之。

甘薑苓朮湯

金匱一作腎著湯

治腰以下重著而痛

理中湯去人參加茯苓

腎著者。腎受溼著而重痛。故以燥澤為務。非腎虛腰痛可渾用也。



滲溼湯 局方

治溼滯經絡腰下重著而痛

理中湯去人參加蒼朮茯苓橘紅丁香薑棗

大順散 局方

治暑熱引飲過多霍亂吐瀉

理中湯去人參白朮本方甘草乾薑各半兩加

肉桂杏仁尖去皮各三錢先將甘草同白砂炒次

入乾薑却下杏仁炒過篩去砂合桂爲散每服

三錢沸湯調服

烏梅丸 玉函 治嘔厥

理中湯去白朮甘草加烏梅黃連黃蘗附子蜀

椒桂枝細辛當歸以苦酒漬烏梅一宿蒸之五升米下飯熟去核搗成泥與蜜作丸先食飲服十丸日三服稍加至二十丸禁生冷滑物臭食等○千金治久痢諸藥不瘥本方去細辛附子人參黃蘗桂枝換桂心

半夏瀉心湯

玉函

治心下痞滿不痛

半夏

五錢

乾薑

炮

甘草

炙

人參

黃芩

各三錢

黃連

一錢

大棗

四枚

右七味水煎溫分三服

生薑瀉心湯

玉函

治心下痞硬下利腹鳴

半夏瀉心湯減乾薑二錢加生薑四錢

甘草瀉心湯

玉函

治胃虛痞滿誤下利不止

半夏瀉心湯去人參加用甘草一錢

黃連湯

玉函

治胃中寒熱不和心下痞滿

半夏瀉心湯去黃芩減人參一錢加桂枝三錢

乾薑黃芩黃連人參湯

玉函

治胃虛客熱痞滿

半夏瀉心湯去半夏甘草大棗加用黃連二錢

七氣湯 局方

治七情鬱結於中心腹絞痛服寬隔

破氣藥轉劇者投此即効

人參

錢半至三錢

甘草

錢炙

肉桂

錢半至一錢

半夏

錢半至一錢

生薑

七片

右五味水煎空心服○千金加吳茱萸名奔氣湯

深師七氣湯

治七氣爲患氣寒血熱嘔瀉痞滿

七氣湯加乾薑吳茱萸枳實橘皮桔梗芍藥乾

地黃黃芩

二因七氣湯

治七氣致病嘔逆痞悶腹脇脹痛

七氣湯加厚朴白芍茯苓橘皮蘇葉大棗

指迷七氣湯

治七情相干陰陽不得升降氣道壅

滯攻衝作痛

七氣湯去人參易觀桂加香附青皮陳皮桔梗

蓬朮藿香益智仁大棗

大七氣湯

治積滯癥瘕結聚隨氣上下心腹疴痛

小腹脹滿二便不利

指迷七氣湯去半夏薑棗加山稜

橘皮乾薑湯

治乾嘔吐逆吐涎沫而厥

七氣湯去半夏加乾薑橘皮通草

蘇子降氣湯

局方千金木  
名紫蘇子湯

治脚弱上氣凡痰涎壅

盛肺滿喘嗽服之氣降即安

七氣湯去人參加蘇子三錢橘紅一錢當歸前  
胡厚朴各五分大棗一枚

溫肺湯 治肺胃虛寒喘嗽嘔逆大便不實

七氣湯加橘紅乾薑木香鍾乳○局方去人參  
木香鍾乳加細辛杏仁芍藥五味子

半夏溫肺湯 治寒痰欬嗽心下注洋胃氣虛寒者

七氣湯加橘紅赤茯苓細辛桔梗旋復花白芍  
參蘇溫肺湯 治肺受寒而喘嗽

七氣湯加橘紅木香桑白皮紫蘇茯苓白朮五  
味子冬月更加不去籬麻黃三分

崔氏八味丸 金匱 治腎藏真陽不足火不歸源

熟地黃 八兩 山茱萸肉 乾山藥 微煨各四兩

牡丹皮 白茯苓 去皮 白澤瀉 去毛各三兩

附子 童便浸炙去皮臍填肉桂去粗皮勿見火各一兩

右八味爲末煉白蜜丸梧子大每服五七十九空

心淡鹽湯臨卧時溫酒下以美饌壓之

腎氣丸

金匱

八味丸肉桂易桂枝

錢氏六味丸

一名六味地黃丸

治腎水真陰不足

八味丸去桂附方中熟地黃川縮砂蜜八錢製

按金匱八味腎氣地黃本無縮砂之製以中有附子之雄肉桂之竄也錢氏裁去二味治小兒解頤等證雖曰素稟腎虛而純陽未動地黃不製可也後世借治真陰不足乃用縮砂製地黃不特無減



食作瀉之虞。服後連噎數聲。氣轉食進。脾腎安和。其陽生陰長之妙。世都莫知。茲特表而出之。

加減六味丸 治陰虛咳嗽。吐血。骨蒸。及童勞肺熱。消瘦等證。

六味丸去山茱萸。加葶藶四兩。亦可作膏。

河車六味丸 治稟質素虛。將欲成勞。

六味丸本方。川紫河車熬膏丸服。

都炁丸 治腎水不固。欬嗽精滑。

八味丸去桂。附加五味子一兩。

七味丸 治腎虛火不歸根遊散在上在外

八味丸去附子

一方桂川二兩

加減八味丸 治腎虛火不歸源則熱欬嗽

八味丸去附子加五味子一兩

濟生腎氣丸 治腎氣不化小便清數

八味丸本方用茯苓三兩熟地四兩山藥山萸  
丹皮澤瀉肉桂各一兩附子五錢加牛膝車前  
各一兩

此本金匱腎氣方中諸藥各減過半惟桂苓二味

仍照原方爲宣布五陽。開發陰邪之端藥。更加牛  
膝車前。爲太陽厥陰之嚮導。以肝爲風木之藏。凡  
走足經之藥。性皆上升。獨牛膝通津利竅。下走至  
陰車前。雖行津液之府。而不傷犯正氣。故濟生方  
用之。詳金匱腎氣用桂枝。而不用肉桂者。陰氣固  
結於內。勢必分解於外。則腎氣得以流布周身。而  
此旣用牛膝。引入至陰。又需桂附蒸動三焦。不特  
決瀆有權。膀胱亦得以化。所以倍用肉桂。暗藏桂  
苓丸之妙用。愈於五苓十倍矣。但方中牛膝。滋精

精氣不固者勿用

清金壯水丸

治腎藏水虧火旺蒸熱欬嗽

八味丸去桂附

加麥門冬三兩

去心

五味子一兩

納氣丸

治脾腎皆虛蒸熱欬嗽倦怠少食

八味丸去桂附

加沉香一兩砂仁二兩如泄瀉

少食者用乾山藥末調糊代蜜爲丸

香茸八味丸

治腎與督脈皆虛頭旋眼黑

八味丸去桂附

加沉香一兩鹿茸一具

十補丸

治稟賦陽虛下體無力小兒解顱脛軟膝

蓋不生

八味丸加鹿茸一具五味子一兩

枳朮湯

金匱

治水腫心下如盤邊如旋盤

枳實

十枚

白朮

二兩

右二味水煎溫分三服腹中軟卽當散也

枳朮丸

治脾不健運飲食不化

枳朮湯用枳實一兩白朮二兩荷葉裹米燒飯

爲丸米湯下七八十丸

海藏曰東垣枳朮丸本仲景枳朮湯至晚年道進

用荷葉燒飯爲丸。取留滓於胃也太無曰金匱治  
水腫心下如盤故川湯以蕩滌之東垣治脾不健  
運故用丸以緩消之二方各有深意不可移易

香砂枳朮丸 治氣滯宿食不消

枳朮丸加木香砂仁各半兩

橘半枳朮丸 治痰食兼併不化

枳朮丸加橘皮半夏各半兩

深師消飲丸 治停飲胸滿嘔逆腹中水聲不思飲  
食

枳朮丸加茯苓一兩炮薑半兩薑汁調神麴煮  
浮糊丸梧子大淡薑湯或沸湯米湯任下三四

十九

按此即腎著湯去甘草之緩中易枳實以導滯也

平胃散

治胃中宿食不化藜藿人宜之

蒼朮

泔浸去皮麻油  
炒黃四兩

厚朴

去皮薑  
汁炒

陳皮

泡去  
白

甘草

炙各  
三兩

右四味爲散每服四五錢加生薑三片水煎溫服

香連平胃散

治食積發熱腹痛作瀉

平胃散加薑汁炒川連二兩木香一兩

不換金正氣散

局方

治時氣不正感冒夾食

平胃散加藿香半夏時氣加香豉

藿香正氣散

局方

治水土不服感冒時氣夾食

平胃散換白朮加藿香紫蘇半夏茯苓白芷桔

梗大腹皮薑棗

古本無大腹皮有蒼朮

人參養胃湯

局方

治食滯痞滿寒熱痞瘕

平胃散加藿香半夏人參茯苓草果薑棗烏梅

參苓平胃散

治脾虛飲食不化大便不實



平胃散加人參茯苓

白鳳膏

治少年稟氣不足。因飲食儀飽所傷。致成

虛損。形體羸弱。目眊潮熱。腹脹氣急。脈來弦數者。

平胃散四兩。加參苓各一兩。京棗四兩。去核。逐

塊入前藥。入烏嘴白鴨腹內。男雌女雄。製法

如烏骨雞丸。

此葛可久方。丸以蒸餅。取緩留胃脘。而和中氣之

傷也。蓋參苓平胃。原非補益腎水之藥。予嘗借此

以治飲食內傷。中氣不和。發熱羸瘦之證。往往獲

効。詳方名白鳳者。以鳧字下儿字。加於鳥字之上也。且丸以膏名。取脂膏之義。藏機法也。

厚朴湯 治脾胃虛寒作脹。腹中時痛時止。

平胃散去蒼朮。加茯苓、乾薑、潔古加半夏、枳實、薑聚。

除溼湯 治溼熱痞滿不食。

平胃散加半夏、茯苓、白朮、藿香、生薑、大棗。

升陽除溼湯 治脾胃虛弱。不能飲食。腹鳴泄瀉。

平胃散去厚朴。加羌活、防風、升麻、柴胡、豬苓、澤。

藏麥芽神麴

五積散

局方

治感冒內挾冷食脾陰受傷表裏俱

病。

平胃散加麻黃桂枝炮薑半夏茯苓枳殼桔梗。  
白芍當歸川芎白芷每服四五錢生薑三片葱  
白三草水煎去滓熱服溫覆取微汗。

調中飲 治食積類傷寒及手足四肢發陰斑

平胃散加枳實白朮乾薑黃連山楂神麴草果  
水煎去滓磨木香調服。

胃苓湯 治飲食停積。浮腫泄瀉。脈證俱實者。

平胃散合五苓散生料煎服。

平胃。本平胃氣之墩阜。若因脾土之虛。不能消運。又須稍稍參苓。如養胃之類。然復有土衰不能分利而成腫脹。且氣壅不勝參朮。難合理中者。乃合五苓以健運水土。與正氣散之。假蘇藿以散客邪。兩不移易之定例也。

棗礬丸 治食積發黃

平胃散加皂礬丸。燒紅裏黃紅棗肉丸服。

此消磨宿滯之第一峻利方較平胃之緩急百倍  
膏粱慎勿用施服後以穀壓之否則恐其嘔吐也  
枳殼湯 治痘疹誤服參耆腹脹喘急

平胃散去蒼朮加枳殼

二陳湯 局方 治脾胃痰滯

半夏 萬製二錢半 茯苓 錢半

甘草 錢一 生薑 三片

陳皮 畧去白一錢  
烏梅肉 半個

右六味水煎空心溫服

燥痰減半夏生薑加麥門冬竹瀝鬱痰乾欬去半

夏用蜜煎薑加川貝母火痰加黃連竹茹老痰加  
蛤粉海石

按此方本內經半夏湯及金匱小半夏湯小半夏  
加茯苓湯等方而立加甘草安胃橘皮行氣烏梅  
收津生津豁痰乃理脾胃治痰涎之專劑也其重  
樞半夏湯見不得卧

小半夏湯

金匱又名生薑半夏湯

治痰積膈上喘嗽嘔噦

二陳湯去陳皮甘草茯苓烏梅用半夏一兩

澁水生薑汁半合

半夏湯 千金

治膽府實熱

二陳湯去陳皮甘草烏梅生薑易宿薑加黃芩  
生地黃秫米遠志酸棗仁以流水煮秫米去滓  
煎服

小半夏加茯苓湯 金匱

治痰飲多汗小便不利

二陳湯去陳皮甘草烏梅用半夏一兩生薑汁  
半合茯苓三錢

大半夏湯 治胃反嘔吐

二陳湯去陳皮甘草茯苓烏梅加人參三錢以

水和蜜揚之二百四十遍煮藥溫服○千金有  
橘皮治氣滿腹脹○又千金大半夏湯本方更  
加附子當歸桂心蜀椒厚朴枳實茯苓甘草大  
棗治胃中虛冷腹滿氣塞

半夏乾薑湯 治乾嘔吐涎沫

二陳湯去茯苓陳皮甘草烏梅生薑加乾薑等  
分爲散取方寸匕漿水煎服

橘皮湯 治乾嘔噦手足厥

二陳湯去半夏茯苓甘草烏梅用橘皮四錢生



薑一兩。

橘皮半夏湯 治積氣痰痞飲食嘔吐不止。

二陳湯去茯苓甘草烏梅用半夏橘皮各半兩。  
生薑汁半合。

橘皮枳實生薑湯 金匱 治胸痺短氣。

二陳湯去半夏茯苓甘草烏梅用橘皮一兩生  
薑半兩加枳實三錢。

橘皮竹茹湯 金匱 治胃虛噦逆。

二陳湯去半夏茯苓烏梅用橘皮三錢甘草一

錢生薑半兩加竹茹三錢人參一錢大棗三枚。

半夏厚朴湯

金匱師四七湯

治氣結成疾。狀如破絮。或如

梅核。結在咽喉。咯不出。嚥不下。中脘痞滿。氣鬱不舒。惡心嘔逆。一切鬱證初起。屬實者。

二陳湯去橘皮甘草烏梅加紫蘇厚朴。

一方有紅棗

加味四七湯

治心氣鬱滯

四七湯加茯苓遠志菖蒲甘草

指迷茯苓丸。治中脘留伏痰飲。臂痛難舉。手足不

能轉移。背上凜凜惡寒。

二陳湯去陳皮甘草烏梅木方用半夏麴二面  
茯苓一兩加枳殼風化硝各半兩薑汁調神麴  
糊丸梧子大每服三五十丸空心淡薑湯下。

厚朴生薑甘草半夏人參湯

玉函

治胃虛嘔逆痞

滿不食

二陳湯去茯苓陳皮烏梅加人參厚朴

木二陳湯 治脾虛痰食不運。

二陳湯加生白朮

薑汁拌炒茅朮

麻油拌炒

分氣紫蘇飲 治脇痛氣喘。

二陳湯去半夏加紫蘇桑皮大腹皮桔梗五味子食鹽

寧嗽化痰湯 治客邪傷肺久嗽不止。

二陳湯加紫蘇葛根枳殼桔梗前胡麻黃杏仁桑皮

導痰湯 治溼痰內外壅盛

二陳湯加南星枳實

加味導痰湯 治溼熱痰飲眩暈痰壅

導痰湯加人參白朮黃芩黃連枯蕒霜桔梗大

東竹瀝薑汁

十味導痰湯 治痰淫上盛頭目不清

導痰湯加羌活天麻蠟尾臨服入雄黃末少許

祛風導痰湯 治類中風筋脈顛掉

導痰湯加羌活防風白朮薑汁竹瀝

滌痰湯 治類中風痰迷心竅

導痰湯加菖蒲人參竹茹

溫膽湯 千金 治心膽虛怯觸事易驚多汗不寐短

氣乏力皆由寒涎沃膽所致。

二陳湯用橘紅加枳實竹茹紅棗

參胡溫膽湯

治往來寒熱嘔而痞悶

溫膽湯去竹茹紅棗加人參柴胡

十味溫膽湯

治寒涎沃膽膽寒肝熱心悸不眠短

氣惡心耳鳴目眩四肢浮腫

溫膽湯去竹茹加人參熟地棗仁遠志五味子

膽之不溫由於胃熱不清停蓄痰涎沃於清淨之

府所以陽氣不能條暢而失溫。和之性故用二陳

之辛溫以溫膽滌涎。涎聚則熱鬱故加枳實竹茹

以化胃熱也。若寒熱嘔逆，胃氣不振也。去枳實之  
消。尅紅棗之滯胃。加柴胡以疎肝。人參以扶胃。乃  
六君子之變法也。更加熟地、棗仁、遠志、五味，又爲  
歸脾湯法派耳。

消暑丸

局方

治肥人傷暑眩暈嘔逆

二陳湯去陳皮。用醋炒半夏二倍。生薑自然汁  
爲丸。酸漿水或烏梅湯淡醋湯下。七八十丸。

千縉湯

治風痰喘急。脈證俱實者。

二陳湯去茯苓。橘皮烏梅。本方用半夏七枚。甘

草一寸生薑指大切加皂莢去皮炙淨末半兩  
水煎溫服○一方無甘草但用半夏一兩皂莢  
末半兩生薑七片同入紗袋中以手揉取清汁  
作三服

溫中丸 治黃胖面腫足脹是脾虛不能健運雖有  
積聚不可下之

二陳湯本方橘半茯苓各一兩炙甘草五錢加  
黃連香附苦參鍼砂醋炒過各五錢白朮二兩神  
麴一兩醋水各半泛丸梧子大每服七八十丸



用白朮六錢陳皮一錢生薑三片煎湯送下。虛  
加人參一錢病輕者服此藥六七兩小便即長  
病甚者服一觔小便始長積聚去淨然後六君  
子之類調補之。

四君子湯

局方

治胃氣虛弱飲食不思倦怠少食。

人參

一錢至三錢

白朮

炒黃一錢至二錢

茯苓

一錢至三錢

甘草

炙六分至一錢

右四味水煎空心溫服

按四君子乃胃家氣分之諸藥胃氣虛而用之功

効立見。卽血虛用四物亦必兼此。故八珍之主治。不獨氣血兩虛也。卽血虛者亦須兼用。但補氣則偏於四君。補血則偏於四物。若純用血藥。不得陽生之力。陰無由以化也。方中白朮。若治脾胃虛衰。大便不實。或嘔惡不食。合用炒焦。方有健運之力。如肺胃虛燥。咳嗽失血。須用陳米飯上蒸過十餘次者。則轉渴爲清。轉燥爲潤。是以其功散八珍湯。及歸脾逍遙等方內。並宜蒸者。卽陰虛乾欬。吐血。白血。總無妨礙。更加白蜜拌蒸。猶爲合宜。其於輕

重炮製之。開全在川者之活法。權變舉此。可以類推。三隅矣。

異功散 治肺胃氣虛。稀痰喘嗽。

四君子湯加橘皮白朮。為散。每服三四錢。加生

薑一片。水煎。去滓服。

六君子湯 治胃虛少食。痰嗽嘔泄。

四君子湯加橘皮。半夏。生薑。

香砂六君子湯 治氣虛痰食氣滯。

六君子湯加木香。砂仁。烏梅。

烏蠍六君子湯 治小兒慢脾風內釣

六君子湯加川烏蠍尾神麴糊丸服

溫脾散 治小兒心脾虧損弄舌及虛脹乳食不進

四君子湯加黃耆藿香訶子肉橘皮桔梗木香  
爲散。每服三四錢加薑棗煎服。

茯苓飲 外臺 治胸中停痰宿水吐後虛滿不食

四君子湯去甘草加枳實橘皮生薑

惺惺散 局方 治小兒傷寒發熱欬嗽

四君子湯加桔梗細辛羌活 一作花柳 等分爲散。每

服一二錢加薄荷五葉水煎熱服。取微汗愈不  
愈再作。加葱白香豉。

四獸飲 治癰疾胃虛中挾痰食。

四君子湯加半夏橘皮草果為散。每服四五錢。  
加生薑七片。烏梅肉一箇。水煎。清於熱服。

八味順氣散 治類中風虛脹喘逆。

四君子湯加青皮橘皮白芷烏藥為散。每服四  
五錢。水煎溫服。

參苓白朮散 局方一名參朮散 治胃虛喘嗽大便不實。

四君子湯加山藥藕豆蓮肉桔梗薏苡砂仁爲散每服四五錢加薑棗煎服

七味白朮散

卽錢氏白朮散

治胃虛津氣不行而渴

四君子湯加藿香木香煨葛根爲散每服三四錢水煎日三服

八珍散

治胃虛痰中見血及粉紅痰

四君子湯加黃耆山藥粟米藕豆

炒存性

九味資生丸

治老人食難克運

四君子湯本方參朮各三兩茯苓一兩半炙甘

草半兩、加橘紅、橘肉、真神麴各二兩、川黃連、白  
豆蔻各三錢半、煉白蜜九服。○古方止此九味。  
後人更加桔梗、藿香各半兩、澤瀉三錢半、藕豆  
蓮肉各一兩、薏苡三兩、山藥、麥芽、芡實各一兩。  
半醉飽後細嚼彈子大一丸、淡薑湯下。則酒食  
易化、健脾開胃、消食止瀉、調和藏府、滋養營衛。  
饑時服之、卽飽、飽後食之、卽饑。藥雖繁簡不同、  
而功效不異、因附存之。

八珍湯 治婦人胎產崩漏氣血俱虛者。

四君子湯合四物湯

八物湯

治營衛俱虛畏寒發熱

八珍湯去人參加黃耆

按八珍八物功用懸殊。以人參專補藏府元氣。黃耆惟司營衛開闢也。世人每謂黃耆代人參。恆用八物補益藏府之氣。大爲噴飯。

人參胃風湯

局方

治風入胃中能食便血

四君子湯去甘草加當歸白芍川芎桂枝粟米

○一方多木香



按風入胃中。何以反能食。蓋風爲陽邪。其性善行。久而化熱。卽內經所謂痺成爲消中者是也。方中但用桂枝去風而不去熱者。以熱必隨風外解。不必加治耳。

益氣養營湯 治療癰結核流注一切鬱熱毒氣

八珍湯加黃耆。桔梗。貝母。香附。橘皮。生薑。

大防風湯

局方

治邪襲足三陰。腿膝疼痛及痢後

脛膝痛。鶴膝風。附骨疽。證俱赤熱。焮腫者。禁用。

四君子湯去茯苓。加肉桂。附子。黃耆。牛膝。杜仲。

熟地 白芍 川芎 羌活 防風

四物湯

局方

治營血虛熱

熟地黃

二錢

當歸身

一錢

白芍藥

錢半

川芎

八分

右四味水煎溫服肥盛多淫痰及嘔逆少食便溏者禁用

增損四物湯

局方

治血虛發熱食少便溏

四物湯去地黃加入參甘草炮薑

加減四物湯

治停經血滯少腹結痛

四物湯換赤芍加三稜蓬朮肉桂乾漆灰

四烏湯

治血中氣滯小腹急痛

四物湯加烏藥香附甘草

四神散

治產後血虛或瘀血腹痛。

四物湯去地黃加炮薑爲散溫酒服方寸七

當歸芍藥散

金匱

治腹中諸痛

四物湯去地黃加白朮茯苓澤瀉爲散酒服方

寸七

當歸散

治妊娠胎氣不安

四物湯去地黃加黃芩白朮爲散

日三

芎藭湯

千金

治產後崩漏下血不止

四物湯換乾地黃加黃耆甘草乾薑吳茱萸若  
夏月經後有赤白不止除地黃加杜仲人參

三黃補血湯

治血虛至夜發熱自汗

四物湯加生地黃黃耆升麻柴胡丹皮

四物二連湯

治重陽無陰晝夜發熱

四物湯加黃連胡黃連

按此本爲重陽無陰。晝夜發熱而立。必其人時火亢極於陰分。乃爲相宜。以陽邪蒸虛。故曰重陽陰欲消亡。是卽無陰。非真陰補虛之謂。蓋陽全陰半。陽得以統陰。所以晝夜皆熱。若陰氣自病。斷無上午陽分發熱之理。每見時師用以治虛勞蒸熱。及血虛發熱之疾。服之未有不嘔瀉奪食者。易知方下原治發熱。未嘗言蒸熱也。夫熱發於外。雖滯於陰。實爲客邪。熱蒸於內。陰不濟陽。證屬久虛。可不辨而混治乎。其陰虛蒸熱。自有六味地黃血虛發

熱自有當歸補血亦何藉於此哉

大秦朮湯 治中風外無六經形證內無便溺阻隔  
宜此養血營筋血行風自滅矣。

四物湯加秦朮生地黄羌活獨活防風細辛茯苓  
白朮白芷黃芩石膏甘草

張景岳曰大秦朮湯在機要發明俱云治中風外  
無六經之形證內無便溺之阻隔如是血弱不能  
養筋宜養血而筋自榮以大秦朮湯羌活愈風湯  
主之大秦朮湯雖有補血之藥而寒散之劑居其

半矣夫既無六經之外邪而用散何爲也既無阻  
隔之火邪而用寒何爲也寒散既多又果可養血  
氣而壯筋骨乎秦艽湯且不可愈風湯則尤其不  
可者也吾不知用此法者果出何意

獨活寄生湯

千金

治風痺腰脚疼重

四物湯加獨活桑寄生杜仲牛膝細辛秦艽茯  
苓桂心防風人參甘草○古今錄驗無寄生有  
續斷肘後無寄生人參甘草當歸有附子產後  
腹痛不得轉動及腰脚攣痛不得屈伸痺弱者

宜服此湯

十味剉散 治溼痺周身疼痛

四物湯加白朮附子防風茯苓黃耆肉桂

此即十全大補去人參甘草之甘緩補氣而加附子防風以通達外內也。

玉燭散 治血熱大便秘結

四物湯換生地黃加生甘草酒大黃玄明粉生薑萬全方無大黃明粉易青皮枳殼

膠艾湯 治陷經下血孕婦胎漏不止



四物湯用乾地黃加阿膠甘草艾清酒和水各

半煎服

一方多乾薑

千金無地黃芍藥

丁香膠艾湯

治經漏兼白帶

四物湯加丁香阿膠艾

加味香附丸

治倒經白汗胎漏下血

四物湯本方用熟地八兩歸芍各四兩芍藥三

兩加四製香附一觔澤蘭葉烏賊骨各六兩爲

末用浮麥麩酒醋水調糊爲丸如棗豆大每服

百丸早暮各一服溫酒沸湯任下

艾煎丸局方  
治婦人崩傷淋瀝帶下赤白小腹  
痛

四物湯本方歸地芍各二兩川芎一兩加人參  
石菖蒲炒吳茱萸用開口者醋炒各一兩爲末川斷艾  
四兩酒煎濃汁入糯米糊爲丸梧子大每服百  
丸醇酒下更加肉桂熟附子各一兩香附四兩

名艾附丸

溫經湯

金匱

治經水不調崩帶及唇口乾燥并治

經阻不通咳嗽便血此肺移熱於大腸也

四物湯去地黃加阿膠甘草人參肉桂吳茱萸  
牡丹皮麥門冬半夏生薑更加白朮名大溫經  
湯

此方木膠艾湯而立以虛火上炎唇口乾燥故用  
麥冬潤澤下滲不時帶下故用半夏若無二證不  
必拘執成方也

芩歸湯及散 治妊娠胎不轉運

四物湯去地黃芍藥湯則煎服散則酒調服之  
以驗胎息若是真胎服之即動勿經火炒乃効

佛手散 治產婦胎不得下

四物湯去地黃芍藥等分炒研爲散紅酒調服  
加味佛手散 治產婦交骨不開

四物湯去地黃芍藥木方歸用三錢芎用一錢  
加止揀人參三五錢去血過多加至一兩臨服  
入童便半盞續續進之質壯氣實者但加童便  
人參不川可也

紫蘇飲 治妊娠臨月浮腫喘脹

四物湯去地黃加紫蘇陳皮大腹皮人參甘草

牛蒡葱白。○感冒風寒去腹皮加香豉胎動不安。加黃芩白朮胎不運動加水香砂仁肥盛氣滯加半夏厚朴虛羸少氣加白朮倍人參。

達生散 治妊娠九個月後服數劑則易產。

紫蘇飲去川芎加白朮黃楊腦三枚。

芎歸鱉甲飲 治勞瘵久不止或暫止復來。

四物湯去地黃加茯苓半夏橘皮鱉甲黃蘗烏梅寒多加草果熱多加柴胡胃虛少食加人參白朮汗多加黃耆甘草。一方多青皮。

續命煮散

治風虛昏橫自汗手足癱瘓

四物湯加人參甘草桂心遠志防風獨活細辛  
葛根荆芥半夏爲散每服一兩加生薑三片水  
煎通口服多汗去葛根加牡蠣

生地黄黃連湯

治失血後燥熱癰瘕脈數盛者

四物湯換生地赤芍加黃連黃芩山梔防風

滋燥養營湯

治血燥皮膚皴揭筋掣爪枯

四物湯去川芎加生地黃秦艽防風黃連甘草

大補地黃丸

治精血枯槁燥熱

四物湯去川芎加生地黑參黃蘗知母乾山藥  
山茱萸枸杞肉蓯蓉蜜丸每服六七十丸空心  
鹽湯臨卧溫酒下。

劫勞散 局方 治肺痿欬嗽痰中有紅線盜汗發熱  
熱過即冷。

四物湯去川芎加人參黃耆甘草阿膠五味子  
半夏爲散每服三四錢加薑棗煎空心服。

加味四物湯 治血虛發熱

四物湯加白朮茯苓柴胡丹皮

解毒湯

治痘瘡血氣弱乾焦黑陷

四物湯換生地加人參連翹黃連甘草陳皮木

通竹葉

寬中散

治痘疹誤用辛熱秘結

四物湯去川芎換生地加枳殼赤茯苓甘草爲

散每服方寸匕水煎去滓服

麥門冬湯

治痘疹便實而渴

四物湯去川芎換生地加麥門冬

保元湯

治營衛氣血不足



黃耆

蜜酒炙三錢至六錢

人參

三錢至一兩

甘草

炙一錢

水煎空心服

獨參湯

治氣虛不能統血驟然脫血血崩不止

人參三錢至一兩大虛暴脫者一兩至三兩

虛少食加橘皮肺虛喘嗽加橘紅血脫加童便

半杯薑汁三七

一方多京棗三枚

歸脾湯

治心脾鬱結經癸不調

保元湯加白朮茯苓酸棗仁遠志肉當歸身桂

圓肉木香生薑紅棗

加味歸脾湯 治心脾鬱結經閉發熱

歸脾湯加柴胡山梔仁

聖愈湯 一治失血過多久瘡潰膿

保元湯去甘草加生地黃熟地黃川芎當歸

十全大補湯 局方 治營衛氣血俱虛

保元湯加白朮茯苓熟地當歸川芎白芍肉桂

薑棗

按和劑十全大補雖本保元而實四君四物黃耆  
建中三方合成因飲食勞倦而致煩熱肌肉消瘦

者宜之。若房勞傷精，思慮傷神，陰虛火旺，欬嗽失血者，誤用反致陰火上乘，轉增其劇也。又古方十全大補無黃耆、肉桂，多沉香、木香，此則專開脾胃之鬱爾。

人參養營湯

局方

治心脾虛寒

保元湯加白朮、茯苓、橘皮、熟地、當歸、芍藥、肉桂、遠志、肉、五味子。

按方中諸品皆心脾二經之藥，而方下舊註云：補肺虛謬矣。夫養營正當補養心脾，原無藉於肺氣。

也。

大建中湯

局方

治營衛俱虛上熱下寒。

十全大補湯加附子肉苁蓉半夏麥門冬。

人參安胃散 治小兒心脾虛極弄舌。

保元湯加黃連茯苓白芍生甘草。

人參實衛湯 治瘧自汗不止。

保元湯加白朮芍藥初發加桂枝久瘧加烏梅。

黃耆六一湯

局方

治衛虛自汗晝汗煩熱。

保元湯去參用黃耆六錢甘草一錢加棗一枚。

當歸補血湯 治血虛至夜發熱煩渴引飲其脈洪大而虛重按全無者

保元湯 去人參甘草用黃耆六錢加當歸二錢  
玉屏風散 治衛虛自汗易感風邪用此補脾實衛  
保元湯 去人參甘草用黃耆六兩加防風二兩  
白朮四兩爲散每服四五錢加薑棗煎服

上三方並屬保元去參而黃耆六一則藉本方甘草協助黃耆以實脾氣故晝日多汗煩擾者宜之  
當歸補血專用當歸引領黃耆以護營血故失血

至夜發熱者宜之。玉屏風散則加白朮防風以祛  
衛溼。故理疎易感風邪者宜之。三方雖同以黃耆  
爲君。而主氣主血主肉各隨佐使功用迥乎不侔  
也。

益氣聰明湯 治氣虛目暗生翳耳聾耳鳴。

保元湯加升麻葛根蔓荊芍藥酒黃蘗

此保元湯合升麻湯加蔓荊子以治其上。黃蘗以  
治其下也。

神効黃耆湯 治氣虛耳目不明。

保元湯用黃耆二錢人參甘草各一錢加白芍一錢蔓荊子二分橘皮五分

耳目之患氣虛而陰火上乘者宜益氣聰明湯無陰火者宜神効黃耆湯用者審之

千金托裏散 治氣血虛寒潰瘍不收

保元湯加川芎當歸肉桂白芷防風桔梗白芍天冬連翹忍冬生薑

參耆內托散 治潰瘍感冒風邪痘疹觸發伏匿及癰疽久不潰

保元湯加川芎當歸肉桂白芷防風桔梗木香

厚朴

本方去木香名十宣散。治痘癰。

托裏消毒散 治癰疽痘疹毒盛不能起發

保元湯加當歸芍藥茯苓白朮忍冬白芷連翹

內補黃耆湯 治潰瘍膿水出多虛熱不寐盜汗

保元湯加白朮茯苓五味棗仁

人參固肌湯 治痘瘡表虛斑爛不能收靨。

保元湯加當歸白朮茯苓棗仁忍冬連翹



補中益氣湯 治內傷中氣下陷。下元虛者禁用。

保元湯本方參耆甘草減半。加白朮一錢。當歸  
橘皮柴胡各八分。升麻五分。勞力感寒。加羌活  
薑朮。冬加桂枝。春加青朮。葱白。

調中益氣湯 治身體沉重。百節煩疼。胸滿短氣。心  
煩耳鳴。目熱如火。口中沃沫。飲食失味。嗜卧溺赤。  
補中益氣湯加白芍藥五味子。

升陽益胃湯 治脾胃受傷。邪熱內陷。外反惡風。厥  
冷脈沉。大小便秘。瀉不可誤。認陰寒而用熱藥。又

不可誤認實火而用涼藥。宜此湯升舉微汗則愈。  
補中益氣湯去升麻當歸加羌活獨活白芍防  
風半夏茯苓澤瀉酒煮黃連黃芩服藥後忌言  
語一二時戒酒麪生冷薄滋味以養胃氣補食  
美食以助藥力更宜小役形體使胃氣與藥轉  
運升發慎勿大勞以傷脾胃生發之氣。

升陽順氣湯 治飲食不節勞役所傷腹脇滿悶短  
氣遇春則日淡無味。遇夏雖熱猶有畏寒。饑則常  
如飽。不喜飲食。

補中益氣湯去白朮加半夏草豆蔻神麴黃蘗  
生薑

瀉陰火升陽湯 治火鬱發熱

補中益氣湯去白朮當歸橘皮加羌活蒼朮黃  
芩黃連石膏早飯後大溫服服後宜禁一加升  
陽益胃湯如見火旺及腎任衝三脈盛用酒炒  
黃蘗知母少許不可久服恐助陰氣爲害也

沖和養胃湯 治風虛口患空中有黑花神水變淡  
綠色次變淡白漸成內障

補中益氣湯去橘皮加羌活防風黃連白芍五  
味生薑

通氣防風湯 治太陽氣鬱肩背不可回顧

補中益氣湯去白朮當歸加防風羌活藁朮黃  
蘗白豆蔻青橘皮

清暑益氣湯 治暑傷無形之氣口燥頭痛發熱溺  
赤

補中益氣湯去柴胡加麥門冬五味子蒼朮葛  
根澤瀉黃蘗神麴青皮

此以保元生脈爲主。而兼開腠利水消尅之味。

清燥湯 治夏秋溼熱傷氣

補中益氣湯加生地黃黃連豬苓茯苓麥門冬  
五味子蒼朮黃蘗澤瀉神麴

節菴升陽散火湯 治熱乘肺金氣虛不能主持循  
衣撮空。小便利者可治。不利者不可治。

補中益氣湯去升麻黃耆加麥冬茯苓黃芩白  
芍葯。棗有痰加薑汁炒。半夏大便燥實。瀉語發  
渴加大黃泄利加升麻倍白朮。

托裏散 治痘毒虛不能潰

補中益氣湯去升麻加熟地茯苓芍藥

生脈散

治熱傷肺胃虛熱喘嗽脈虛無力

人參

三錢

麥門冬

二錢

五味子

一錢

水煎不時熱服

門冬清肺飲

治火乘肺胃喘嗽吐血衄血

生脈散加黃耆甘草紫苑白芍當歸

此生脈保元合用以滋金水化源其紫苑佐黃耆而兼調營衛深得清肺之旨其餘芍藥酸收當歸

辛散而走血而不走氣。頗非所宜。不若竟用生脈。保元清肺。最妥。先哲有保元生脈合用。氣力從足。膝湧出。以黃耆實胃。五味欬津。皆下焦之事。藥耳。宜明門冬飲。治心移熱於肺。傳爲膈消。

生脈散加茯神甘草生地黃栝婁根煨葛根知母竹葉。

易老門冬飲。治老人津虧大渴。

生脈散加茯神甘草枸杞生薑。

二方並本生脈而易老差勝。蓋明之重在壯氣易。

老專滋血氣治得其本矣

天王補心丹 治心腎虛耗怔忡不寧

生脈散加熟地茯苓茯神遠志菖蒲黑參丹麥  
柏子仁酸棗仁天門冬百部當歸杜仲桔梗廿  
草蜜丸硃砂爲衣空心龍眼紅棗湯下二三錢  
清心蓮子飲 局方 治心包火旺小便赤澀梗痛

生脈散加黃芩地骨皮車前茯苓黃耆蓮子  
此用生脈散合黃芩清肺而兼導赤之製其旨  
在於心包火炎上灼於肺熱傷氣化不能生水故用



生脈救肺之燥以滋上源則知肺本無熱皆緣受火之淫而致熱傷氣化安可復用黃芩以伐其肺乎。易不竟用生脈合導赤全方豈不源流同清理明辭暢乎。卽或不然不妨削去木通仍用茯苓蓮子以存清心之意。至於局方又以保元爲主乃去五味加入甘草益失滋肺上源之旨矣。

一冬膏

治肺胃燥熱痰瀉欬嗽

天門冬

去心

麥門冬

去心等分

右二味熬膏煉白蜜收不時含熱嚥之

固本丸 治老人津血俱虧。欬逆便秘。

二冬膏加生熟地黃與本方二冬各八兩。人參四兩。蜜丸。酒下四錢。熬膏尤宜。食少便滑。禁用。固本丸雖主扶陰抑陽。然四味純陰之性。僅用少許。人參已覺味勝於氣矣。而世本此方二冬二地各用八兩。人參二兩。幾幾乎羣陰剝陽之象。况復舉世醫流。往往削去人參。盡知陰柔之味。不得陽和之力。每致奪食作瀉。內經所謂無陽則陰無以化。安望其有補益之驗歟。

或問近世病家吝惜多金醫家迎合鄙性往往用  
參湯服丸此法可否曰此曲突徙薪之法也鄙夫  
但知人參珍貴以爲入甘使補不知配合之妙全  
在佐使得宜若用參湯送丸則參力先行至丸化  
時參力相去已遠非若膏劑之用參湯調服仍得  
併力奏功也

集靈膏

治久嗽氣血俱虛不能送痰即出

固本丸中二冬二地各十兩人參六兩加枸杞  
六兩熬膏蜜收如血虛便難加歸身脾芍饒酒

加白朮以糖霜代蜜收之

三才丸

治氣血俱虛精神不同。中陽失合者宜之。

二冬膏去麥門冬。加人參熟地。等分蜜丸服之。

加黃蘗甘草砂仁。各三才封髓丹。

甘露飲

局方

治胃中客熱煩躁。口鼻咽喉牙宣口

臭。

二冬膏加生地黃熟地黃黃蘗以殼黃芩石斛

甘草枇杷葉

桔梗湯

玉函

治冬時伏邪發於少陰咽痛不差及

風熱肺氣不清喘嗽喉中介介如梗狀肺痿肺癰  
初起並得服之。

桔梗

甘草

各三錢

右二味水煎緩緩服之。

利金湯 治肺燥清不利而欬。

桔梗湯加貝母橘紅枳殼茯苓生薑白蜜

枳殼煮散 治欬引脇下痛。

桔梗湯加枳殼細辛川芎防風葛根生薑紅棗

清肺湯 治痘疹肺熱喘嗽吐痰。

桔梗湯加麥門冬欬冬花杏仁貝母牛蒡子

生地黄散 治斑疹肺熱喘欬衄血

桔梗湯加麥冬生地欬冬杏仁爲散煎服二錢

○一方無杏仁多橘皮

生聖散 治痘出不快溺赤欬痰

桔梗湯加黃芩枳殼木通爲散煎服二錢

十六味桔梗湯 治肺壅實熱唾穢痰

桔梗湯加薏苡貝母當歸桑皮枯蘂仁百合枳

殼葶藶五味地骨皮知母防已黃耆杏仁

葶藶薤白瀉肺湯

治肺癰初潰吐膿血

桔梗湯本方甘草川節加薤白貝母橘紅黃耆  
忍冬白芨葶藶生薑初起去黃耆加防風潰後  
膿血去多加人參潰久不斂加合歡皮

排膿湯

金匱

治內癰膿從嘔出

桔梗湯加生薑大棗木煎日二服

排膿散

金匱

治內癰膿從便出

桔梗湯去甘草加枳實芍藥爲散取雞子黃一  
枚以藥與雞子黃相等揉和飲和服之日一服

防已黃耆湯 金匱

治風溼相搏客在皮膚關節疼

痛腰已下疼重脈浮自汗惡風

防已酒洗

黃耆各錢半

白朮錢

甘草炙八分

生薑四片

大棗二枚

右六味水煎熱服後當如蟲行皮中腰已下如冰

後坐被上又以一被遶腰下溫令微汗差

喘加麻黃胃氣不和加芍藥氣上衝加桂枝下有

陳氣加細辛陳氣久積之寒氣也

防已茯苓湯 金匱

治皮水四肢腫皮膚聶聶動



防己黃耆湯去白朮薑棗本方中防己黃耆各三錢甘草一錢加肉桂三錢茯苓六錢水煎溫分三服。

防己湯千金

治歷節四肢痛如錐刺。

防己黃耆湯去黃耆大棗本方中防己白朮生薑各四錢甘草三錢加桂心茯苓各四錢烏頭一枚去皮熬人參二錢以苦酒和水煮日三夜一服當覺焦熱痺忽忽然頓勿怪也若不覺復服以覺乃止。

梔子豉湯

玉函

治汗下不解。虛邪留於膈上。心下

結痛。虛煩懊憹。不得眠。反覆顛倒。卧起不安者。

梔子

十四枚擘

香豉

四合

右二味水煎分二服。溫進一服。得快吐止後服。

按仲景太陽例中用梔子豉湯有三。皆主汗下後

虛邪不解之證。其梔子必取肥者。生用。一吐而膈

上之邪與火俱散也。若其時行疫癘。頭痛發熱。此

湯加葱白最捷。多有服之不吐者。胃氣強也。加蘆

汁服之。或以鷄翎探之。或借用以清解膈上鬱結。

之火不欲其吐。又須山梔炒黑用之。使屈曲下行。小便矣。如衛氣素虛。人感冒客邪。自汗多者。此方中香鼓須炒熟用之。至於少氣爲胃氣之虛。則加甘草以緩調之。嘔爲痰飲之逆。則加生薑以開豁之下。後心煩腹滿。明是濁氣內陷。乃於本方除去香鼓。表藥加枳朴以湧泄之。凡藥大下後。身熱不去。微煩。明是虛火外擾。本方亦不用香鼓。而加乾薑以溫順之。其有身黃發熱。明是溼邪鬱發。亦於本方去香鼓。而加槲皮以苦燥之。下後勞復。食復。

明是正不勝邪。木方加枳實以清理其內。用清漿水。煮取味微酸。使之下行而不上越也。若有宿食。則加大黃如博碁子大五六枚。同一梔子豉法。功用之妙。神化莫測。非庸俗所能擬議也。

梔子甘草豉湯

玉函

治下後少氣

梔子豉湯加甘草

梔子生薑豉湯

玉函

治下後嘔吐

梔子豉湯加生薑

梔子厚朴湯

玉函

治下後心煩腹滿

梔子豉湯去豉加枳實厚朴

梔子乾薑湯

玉函

治九藥大下後身熱不去微煩

梔子豉湯去豉加乾薑○上四方服法如梔子

豉湯

梔子槲皮湯

玉函

治太陽證身黃發熱

梔子豉湯去豉加槲皮甘草水煎分溫再服

枳實梔子豉湯

玉函

治勞復食復

梔子豉湯倍香豉加枳實三枚用清漿水七升  
空煮取四升內枳實梔子煮取三升下豉更煮

五六沸去滓分溫再服。覆令微似汗。有食加大黃如博碁子大五六枚。

梔子大黃湯 治酒痺心中懊憹或熱痛

梔子豉湯加枳實大黃

黃芩清肺飲 治渴而小便不利

梔子豉湯去豉用炒黑山梔加黃芩等分。熱服。探吐之。不應加香豉一撮。

此方妙用全在探吐以提其上。則肺氣立清。若服而不吐。不特綿延不能克應。縱或小差。其苦寒之

性留薄於內。大傷氣血之氣。得不爲之預慮乎。

梔子仁湯

治小便不通。煩悶腹脹。

梔子豉湯。去豉加甘草茅根葵子。

小承氣湯。玉函。

治少陽陽明府證。

大黃

四錢  
生用

厚朴

六錢

枳實

三枚  
炙

初服湯當更衣。不爾者盡飲之。若更衣勿服之。

經云。亢則害。承廼制。專取大黃以制亢極之害也。

承氣湯證有三大陽之邪。初傳陽明之府。用調胃

承氣。藉甘草之緩。欬留硝黃以祛胃中。方張之邪。

邪熱亢極於胃用大承氣之硝黃枳朴併攻全盛之邪故無庸於甘緩也邪氣駸駸欲犯少陽之界斯時熱已向衰但須枳朴助大黃以擊陷歸之邪故無取於芒硝之峻銳也其桃核承氣則又主太陽犯本之證以桃仁桂枝血藥引調胃承氣三味以被膀胱畜血與陽明之府畧無交涉

調胃承氣湯 玉函

治太陽陽明府證

小承氣湯去厚朴枳實方中大黃酒浸加芒硝三合甘草二錢



大承氣湯

玉函

治正陽陽明府證

小承氣湯本方大黃酒洗倍用厚朴半兩枳實

五枚加芒硝三合

桃核承氣湯

玉函即桃核承氣湯

治熱結膀胱如狂

小承氣湯去厚朴枳實加芒硝甘草桃仁桂枝

厚朴大黃湯

金匱

治支飲胸滿

小承氣湯倍大黃

厚朴三物湯

金匱

治腹滿痛閉

小承氣湯倍厚朴用枳實五枚

厚朴七物湯

金匱

治腹滿發熱飲食如故

小承氣湯加甘草桂枝薑棗

此本小承氣合桂枝湯中間裁去白芍之酸收不致引邪入犯營血。雖同用桂枝甘草與桂枝湯涇渭攸分。其厚朴獨倍他藥。正以泄氣之濁逆耳。

大黃甘遂湯

金匱

治婦人血結少腹如墩

小承氣湯去枳實厚朴。本方大黃用四錢加甘遂阿膠各二錢頓服之。

大黃甘草湯

金匱

治食已即吐

小承氣去枳實厚朴用大黃一兩加甘草三錢

大黃牡丹湯

金匱肘後  
名瓜子湯

治大腸癰

小承氣湯去枳實厚朴加芒硝桃仁牡丹皮甜

瓜子

大黃附子湯

金匱

治脇下寒飲偏痛

小承氣湯去枳實厚朴本方用大黃一兩加附

子六錢細辛二錢水煎分溫三服如人行四五

里進一服

按此即瀉心湯去芩連之苦燥瀉裏加細辛之辛

溫走表以治脇下寒積兩不移易之定法也

### 黃龍湯

治失下。循衣撮空。虛極熱盛。不下必死者。

小承氣湯本方用大黃三錢。厚朴錢半。枳實一錢。加芒硝二錢。甘草一錢。人參較大黃減半。當歸二錢。生薑五片。大棗一枚。如腸鳴去芒硝。加半夏茯苓。血秘去甘草。加桃仁。泥生地黃汁。氣秘去當歸。加木香。風秘去大棗。加羌活。年老氣虛去芒硝。

湯取黃龍命名。專攻中火燥土。土既燥竭。雖三承

氣萃集一方不得參歸鼓舞胃氣烏能興雲致雨  
或者以爲因虛用參殊不知參在羣行劑中則迅  
掃之威愈猛安望其有補益之力歟千金又以小  
柴胡易名黃龍湯意在培土以安風木殊非此方  
寓補於瀉之義

三化湯 治類中風外無六經形證內有便溺阻隔

小承氣湯加羌活

羌活導滯湯 治大便風秘

小承氣湯去厚朴加羌活獨活防已當歸甘草

此方較三化湯藥味稍異而功用不殊與枳實導滯丸則涇渭各別彼雖亦本承氣而兼枳朮三黃因隸之傷飲食門此不復列

紫草承氣湯 治痘瘡乾紫便秘喘滿

小承氣湯加紫草

抵當湯

玉函

治畜血少腹鞭滿小便自利

水蛭

熬黑如無以陵鉏甲生漆塗炙代之

蟲蟲

去翅足熬各三十枚

大黃

酒浸兩

桃仁

去皮尖三十枚

右四味水煎去滓取三升溫服一升不下再服

按此與承氣不同。承氣用枳實厚朴以利氣。此用  
水蛭蠱蟲桃仁以破血也。

抵當丸

玉函

治畜血。小便自利。服湯不應用此丸。

抵當湯本方。用水蛭二十枚。蠱蟲二十五枚。餘  
同湯方。杵細入蜜。分爲四丸。以水一升。煮一丸。  
取七合。服之。晬時當下血。若不下者。更服。

變通抵當丸

抵當丸去水蛭。加蠱蟲二十個。雞血拌。瓦上焙  
乾。餘如本方。如欲緩攻。臨卧時酒服五丸。至十

丸。瘕。下。止。後。藥。

下瘕血湯

金匱

治婦人產後腹痛。有乾血著臍下。

抵當湯去水蛭。蠱蟲。加麤蟲。

二十枚。熬去足。

代抵當湯丸。治虛人畜血。宜此緩攻。

抵當湯去水蛭。蠱蟲。本方大黃用四兩。

酒浸。

桃仁

用二十枚。加苡硝。蓬朮。穿山甲。歸尾。生地黃。各

一兩。肉桂三錢。爲末。蜜丸。畜血在上部者。丸如

芥子。黃昏去。枕仰卧。以津嚥之。令停喉。以搜逐

瘀積。在中部。食遠。下部。空心。俱丸如梧子。百勞



水煎湯下之用歸地者引諸藥入血分也如血  
老成積攻之不動去歸地倍蓬朮肉桂

涼膈散

局方

治溫熱時行表裏實熱及心火亢盛

目赤便秘胃熱發斑

大黃

酒浸  
兩

芒硝

一兩

甘草

炙六錢

連翹

一兩

黃芩

一兩

山梔

八錢

薄荷

七錢

為散每服四五錢加竹葉十五片水煎溫日三夜

二服得下熱退為度

世本無竹葉有薑一  
片棗一枚葱白一莖

硝黃得枳朴之重者則下熱承之而脈下得苓梔  
翹薄之輕揚則上熱抑之而下清此承氣涼膈之  
所攸分也。川甘草者卽調胃承氣之義也。局方專  
主溫熱時行故用竹葉。若治感冒之證從世本用  
葱白薑棗可也。

清心散 治溫熱時行壯熱神昏不語便溺閉滿  
涼膈散加黃連一兩爲散每服四五錢加竹葉  
一把白蜜少許煎服頭痛加川芎防風石膏不  
應加麻黃

轉舌丸

治類中風舌強不語神識不清

涼膈散加石菖蒲遠志肉各一兩蜜丸硃砂爲衣薄荷湯化下

潤燥湯

治痘疹過用丁桂熱藥咽痛煩躁秘結

涼膈散去硝黃加當歸白芍生地荆芥鼠粘子通聖散治西北卒中內外熱極

涼膈散去竹葉加麻黃石膏滑石生白朮防風荆芥枯梗川芎當歸芍藥生薑

雙解散

治溫熱時行內外熱極

通聖散倍滑石用生甘草

備急丸

金匱

治心腹卒痛如錐刺宿食冷積脹滿

巴豆

去皮心膜川霜一錢

乾薑

生二錢

大黃

三錢

右三味爲末煉白蜜丸如小豆大溫水送下二三  
十丸吐涎禁用

按備急丸治寒實結積之峻藥凡傷寒熱傳胃府  
舌胎黃黑刺裂唇口赤燥者誤用必死以巴豆大  
熱傷陰故也其白散白餅子消積神保酒癥等方  
皆然不可不慎○其神保丸酒癥丸見傷飲食門

楊氣丸下茲不復見

日散

治寒實結胸

備急丸去乾薑大黃用巴霜一錢加桔梗蘆貝  
母各三錢爲散白飲和服半錢羸者減之

雷氏千金丸 治胸脹冷積作痛

備急丸加煇硝桂心

白餅子 治小兒腹中癖積飲乳卽嗽而吐痰涎

備急丸去乾薑大黃用巴豆二十粒取霜加滑  
石輕粉半夏南星各一錢共杵爲末糯米飲丸

萊豆大捻作餅子每服二三餅葱白湯下

消積丸 治小兒食積發熱大便酸臭

備急丸去乾薑大黃用豆二十粒取霜加丁

香九粒縮砂仁十二粒杵為末以爛烏梅肉

三枚糊丸黍米大每服三五丸溫水下

伊尹三黃湯

會公名火齊湯金匱名瀉心湯

石三焦實熱煩躁便

秘

黃連

酒煮

黃芩

酒炒

大黃

酒浸等分

麻沸湯二升漬之須臾絞去滓分溫再服麻沸湯

者白水空煎鼎沸如麻也古方惟降火藥用之

三黃丸 治諸實熱不解

三黃湯爲末煉白蜜丸梧子大每服五十丸  
心麻沸湯下

金花湯 治熱毒內蘊

三黃湯去大黃加黃芩三味等分煎服更加梔  
子名梔子金花湯

三補丸 治陰火亢極不解

金花湯爲末蜜丸服

黃連解毒湯 治熱邪內外俱盛

三黃湯去大黃加黃蘗山梔等分煎服

金花丸 治積熱不解

黃連解毒湯爲末蜜丸服之

大金花丸 治中滿熱極淋瀝溺血

三黃丸加黃蘗等分滴水爲丸小豆大新汲水下三十丸

按金花湯止苓連蘗三味作丸名三補金花丸較湯多山梔作湯名爲解毒更加大黃則名大金



花九湯丸雖異功用不殊但取急攻則用湯緩扶則用丸微有區別耳

大黃黃連瀉心湯下所謂黃連瀉心湯治熱邪內陷脇下痞滿

三黃湯去黃芩麻沸湯清絞服

附子瀉心湯王商治寒熱不和脇下痞結

三黃湯另煎熟附子汁攪勻服之

一黃梔子豉湯治熱病時疫頭痛壯熱

三黃湯合梔子豉湯千金去黃芩加黃蘗

當歸六黃湯 治營血虛熱盜汗

三黃湯去大黃加黃檗黃耆生地黃熟地黃當

歸

汪石山去黃  
檗加蒲黃

清心丸 治心熱神昏驚悸不寧

三黃湯去大黃用黃連三錢黃芩二錢加西牛

黃半錢鬱金錢半豬心血爲丸黍米大硃砂爲

衣燈心湯下三歲兒三十丸

既濟解毒湯 治上熱下寒大便秘

三黃湯加甘草桔梗柴胡升麻連翹當歸

人中黃丸 治溫疫諸熱毒

三黃湯本方用大黃三兩。芩連各一兩。加入人中黃。蒼朮。桔梗。滑石各二兩。人參一兩。防風。香附一兩五錢。神麴。糊丸。清熱解毒湯送下二三錢。

清熱解毒湯方  
見白虎湯下

此方專以伊尹三黃大解溼熱疫癘之邪。其奧妙全在人中黃一味。以污穢之味同氣相求。直清中上污穢熱毒。合滑石益元之製。則兼清滲道。用蒼朮香附者。宣其六氣之鬱也。用桔梗者。清其膈上。

之氣也。用防風者，開其腠理之熱也。十味祛邪散毒藥，不得人參鼓舞其勢，無以遲迅掃之力也。用神麴爲丸者，取其留中而易化也。更需清熱解毒下之，卽人參、白虎、合升、麻葛根湯去粳米加羌活、芩連、生地，總解內外之熱。畧取生薑之辛以行諸藥之性，散諸經之毒耳。

三黃石膏湯 治熱病時行內外大熱

三黃湯去大黃加黃蘗、山梔、石膏、麻黃、香豉、生薑、葱白，用清漿水煎服。半日許不得汗，再服便

秘去麻黃香豉加大黃芡實節庵槌法加芽茶  
一撮。

按此卽解毒湯兼通聖散梔子豉湯之製而加麻  
黃石膏葱薑以散外內熱毒也。如脈數實便秘上  
氣喘急舌卷囊縮則去麻豉而易硝黃又全用伊  
尹三黃矣。

普濟消毒飲 治大頭癰頸癰等證

三黃湯去大黃加柴胡黑參連翹鼠精升麻白  
芷甘草桔梗馬勃蠶板藍根半用水煎半用

蜜丸喻化氣虛脈弱加人參五七分大便秘加酒大黃錢許微下之

本方去升麻黑參鼠粘蠟蘇板藍馬勃加荆芥防風羌活枳殼川芎射干名琴連消毒湯

當歸龍薈丸 治肝經積熱時發驚悸搐搦神志不寧頭目昏眩。咽膈不利腸胃燥結躁擾狂越等證三黃湯加當歸龍膽蘆薈梔子青黛木香麝香蜜丸淡薑湯送二三十丸

神芩丸 治水腫外內俱實者

三黃湯本方用大黃黃芩各二兩黃連半兩加  
滑石牽牛頭末各四兩川芎薄荷各半兩滴水  
爲丸每服五七丸至十五丸臨卧溫水服澤熱  
腰脇腫滿加甘遂一兩遍身走注疼痛加白芥  
子一兩久毒熱腫腹痛加茵硝一兩關節不利  
加羌活一兩腸胃結滯加郁李仁一兩腰腿沉  
重加商陸一兩○本方去黃連川芎薄荷名導  
水丸

戴人取伊尹三黃丸變爲神方凡每令病人至夜

先服百餘粒。繼以濟川散投之。五更當下種種病。出投下少許。再以和膈藥服之。以利爲度。有五日一下者。三日一下者。病輕者一二服止。重者五六度方愈。是擒縱緩舒之妙。臨病製宜。非可言論。自非老年諳練。有大負者。焉敢效諸行事耶。○詳方後云。每服五七丸至十五丸。乃峻藥緩攻之成法。此言每令病人先服百餘丸。急乘元氣未漓爲之。迅掃各有至理。不可以此礙彼也。

濟川散 治水腫脹急大便不通大實大滿證



三黃丸去苓連用大黃一兩加牽牛頭末郁李仁各一兩苳硝甘遂各半兩木香三錢爲散每服二錢入生薑自然汁和如稀糊服

按此乃下水積之峻藥火熱怫鬱水液不能宣通停滯而生溼熱在陽不去則化氣而爲脹在陰不去則化積而成形世俗不省內經留者攻之但執補燥之劑怫鬱轉加而病愈甚也戴人曰養生與攻病本自不同今人以補藥治病宜乎不効也

東湯

玉函

治懸飲內痛脇下有水氣脈弦數

羌活熬

甘遂

大戟炮去骨

右三味搗篩以水一升五合先煮大戟肥者十枚

擘取八合去滓內藥末強人服一錢七羸人服半

錢七平旦溫服若下少病不除者明日更服加半

錢七得快下利後糜粥自養補天石加生薑汁傷寒五法加肉桂

神祐丸 治陽水腫脹大小便秘

十棗湯本方各一兩加大黃二兩黑牽牛頭末

四兩。輕粉一錢煮紅棗肉為丸初服五七丸

三服漸加快利為度。

按此方守真木仲景十棗湯加牽牛大黃輕粉三  
味較十棗倍峻然作丸緩進則威而不猛其法最  
良其於神祐丸中加青皮陳皮木香檀榔各半兩  
名舟車神祐已屬蛇足更於舟車丸中加入乳香  
沒藥名除溼丹風斯愈下殊不知不足法。

控涎丹 治脇下痰積作痛

十棗湯去芫花大棗加白芥子等分爲末麴糊  
丸服十五丸至二十九驚痰加硃砂个蠟酒痰  
加雄黃个蠟驚氣成塊者加穿山甲鼈甲延胡

索逢木臂痛加桂枝黃痰嗽加風化硝寒痰  
加丁香肉桂胡椒。

甘遂直達涎結之處大戟能攻胸脇之涎白芥子  
能破支結之飲此攻痰涎之峻劑也凡形盛色蒼  
氣壯脈實人有上證但服此藥數服其病如失後  
以六君子調補若氣虛較白大便不實小便清利  
者誤服不旋踵而告變矣。

五苓散

玉函

治傷寒表裏未解渴而小便不利。

白朮

生

茯苓

豬苓

各二錢

澤瀉 三錢

桂 一錢

右五味爲散。白飲和服。方寸匕。日三服。或生科煎服。溫覆取微似汗。

按五苓散本治太陽經邪犯本渴而小便不利。飲水卽吐之水逆。故用二苓澤瀉利水生津。又需桂以蒸暢其津。則渴者自不渴矣。後人不達此義。每用五苓治陰虛泉竭之證。重潤其水。發熱發渴。勢必轉加。豈方之咎歟。況有去桂而用四苓者。易知此方全賴桂之辛溫。則水不至寒滿。用方者常須。

識此無愧聖賢一脈

豬苓湯

正函

治渴欲飲水小便不利及少陰病下利欬而嘔渴心煩不得眠

五苓散去朮桂加滑石阿膠等分水煎去滓溫服二三

按此太陽少陰藥也五苓散用朮以導水滋乾卽兼桂之辛溫以蒸動其津氣此用滑石之清熱利水卽兼阿膠之甘潤以保護其血液汗乃血之液故汗出多而渴者禁用

豬苓散 金匱

治嘔吐思水

五苓散去澤瀉桂為散飲服方寸匕日三服

澤瀉湯 金匱

治支飲眩冒

五苓散去豬苓茯苓桂

茯苓澤瀉湯 金匱

治胃反吐而渴欲飲水

五苓散去豬苓加甘草生薑家秘加

茯苓戎鹽湯 金匱

治胞中精枯血滯小便不利

五苓散去豬苓澤瀉桂加戎鹽即古

桂苓丸 治腎氣上逆水泛為疾逆衝膈上及胃者

煩渴。飲水過多。腹脹。小便不利。

五苓散去猪苓。澤瀉。白朮。用桂一兩。茯苓二兩。

蜜丸。沸湯下二錢。日三服。作湯名。桂苓飲。

桂苓甘露飲。治溫熱病。小便不通。煩渴引飲。

五苓散加真寒水石。石膏。滑石。

四苓散。治小便赤澀。脹痛。及溫熱時行煩渴。

五苓散去桂。

茵陳五苓散。金匱。治黃疸。小便不利。

五苓散加茵陳蒿。



春澤湯 治氣虛傷 溼小便不利

五苓散加人參

葶藶木香散 治陽水腹脹大小便秘

五苓散加葶藶木香木通滑石甘草

益元散 一名天水散 治暑月小便不利

滑石 六兩 甘草 炙、六錢

爲散、清水調服二三錢、發散溫病熱病、加葱白五

七莖、香豉四合、水煎溫服、老人虛人及病後傷津

小便不利禁川

此方加葱豉煎服。則兼散表邪。加吳茱萸則治白痢。加紅麴則治血痢。加炮薑則兼消飲食。加神砂則兼退心火。加青黛則散肝火。加薄荷則清肺熱。加石膏則除胃熱。其入通聖雙解解毒等方。隨證配合。未遑枚舉。

辰砂六一散 治暑月驚悸多汗。小便瀉痛。

益元散一料加辰砂一錢。飛

蒲灰散。金匱 治皮水。小便不利而渴。

益元散去甘草。用滑石三分。加蒲灰七分爲散。

飲服方寸七日三服

滑石白魚散

金匱

治消渴小便不利小腹脹痛有

瘀血

益元散去甘草加亂髮

燒

白魚

炙

等分為散飲

服方寸七日三服

白虎湯

玉函

治熱病壯熱煩渴

及中暈煩熱而渴

石膏

八錢半

知母

三錢

甘草

炙一錢

粳米

半合

水煎溫分三服一日盡飲之

人參白虎湯

玉函、白虎  
加人參湯

治熱病舌乾大渴發熱

背寒

白虎湯加人參

桂枝白虎湯

治溫病感冒客邪而渴及溫瘧先熱

後寒

白虎湯加桂枝

蒼朮白虎湯

治溼溫身熱足冷

白虎湯加蒼朮

竹葉石膏湯

玉函

治大病後煩熱作渴

白虎湯去知母加竹葉人參半夏麥門冬

既濟湯 治上熱下寒

竹葉石膏湯加訖附子三五分

清熱解毒湯 治時疫大熱

白虎湯去粳米加人參羌活升麻葛根白芍黃

芩黃連生地黃生薑

栝蒌葛根湯 治風溫無大熱而渴

白虎湯去知母粳米加人參栝蒌葛根防風

按此湯治風溫無大熱而渴。大既無大熱則不當

渴矣既渴必非無大熱也緣風泄之熱邪內蘊故  
借白虎加入參湯裁去知母粳米加栝蒌根以清  
熱解渴葛根以布胃行津防風以開表散邪人參  
甘草佐石膏栝蒌以化熱性雖甘溫當無助長伏  
邪之虞

大青湯 治斑子熱毒

白虎湯去粳米加大青黑參木通生地黃荆芥

竹葉

玉露散 治小兒傷熱吐瀉色黃

白虎湯去知母粳米加寒水石

如無真者  
滑石代之為散

每服半錢匕至一錢匕沸湯調日三服

薛立齋云。若飲食如常作瀉飲冷宜用此藥。若食少體倦喜飲熱湯。此脾氣虛陷。宜六君子湯加升柴。此方切禁。

藳香飲子

治消中能食而瘦大渴便秘

白虎湯去粳米加人參生甘草藳香

各名防風

升麻桔梗連翹半夏白豆蔻

按消中為脾胃積熱故東垣本人參白虎而立藳

香飲子內經所謂治之以蘭除陳氣也。但方中防  
風半夏豆蔻升麻未免過於辛燥。曷不去此。加入  
麥冬五味以滋化源。佐白虎以化胃熱。蘭香以除  
陳氣。與歸脾湯中用木香之意不殊。或於竹葉石  
膏湯中加知母。蘭香尤妥。

生津甘露飲 治上焦熱渴

蘭香飲子去防風半夏加當歸麥冬山梔黃連  
黃蘗藿香木香

馳車九千金

治陰虛下痢發熱膿血刺刺及休息



痢。

阿膠 三兩

黃連 炒黑

當歸 各兩

乾薑 炮一兩

右四味搗篩醋煮阿膠爲丸梧子大每服四五丸晝夜三服米飲下。

三車運精氣神分治三焦以調適陰陽此因陽熱過旺陰精受傷故用黃連以駐鹿車之轡乾薑以策牛車之疲阿膠以挽羊車之蹢當歸以和精氣神之散亂也。

阿膠丸 治冷熱不調傷犯三陰腹痛下膿血

駐車丸木方膠連各二兩。歸薑各一兩。加水香

黃芩赤石脂

醋煨水飛龍骨

醋煨水飛各一兩。厚朴薑半

兩米飲丸梧子大每服三十九丸。晝二夜一服米

飲下。

歸連丸 治陰虛下痢五色及孕婦噤口赤痢

駐車丸去乾薑。木方用阿膠二兩。歸連各一兩。

加黃芩黃蘗炒各半兩。勒艾兩半。石除膠艾為

細末。以醋二升煮艾至一升去滓入膠炸化為

丸棗豆大每服六七十九晝夜三服米飲下

阿膠梅連丸 治陰虛下痢五色至夜發熱

駐車丸木方用膠連各三兩當歸一兩五錢炮

薑一兩加黃檗炒赤芍藥赤茯苓烏梅肉炒各

一兩五錢醋煮阿膠爲丸梧子大每服三五十

丸晝夜三服米飲下

黃連湯 千金 治赤白痢

駐車丸木方用阿膠三錢黃連當歸各錢半炮

薑一錢加黃檗炒甘草炙各一錢酸石榴皮錢

半右除阿膠水煎去滓內膠烊化溫分三服

佐金丸 治肝經鬱熱吐酸綠青黃水

川黃連 六兩 吳茱萸 欸去附口者取淨一兩同黃連煮乾

爲細末米飲糊丸梧子大每服四五十九空心白  
米陳皮湯或加味逍遙散作湯送下

抑青丸 治肝火脇下急痛

佐金丸二味等分製法如前製過棟去吳茱萸  
取黃連焙燥一味爲末滴水爲丸每服四五十九  
空心沸湯臨卧陳酒送下

酒煮黃連丸

治心火亢盛外內俱熱及伏暑發熱

嘔吐

佐金丸去吳茱萸用黃連一味酒煮焙燥爲末  
滴水爲丸每服四五十丸空心沸湯下

香連丸

局方

治下痢赤白相兼白多於赤者

佐金丸如前製過去吳茱萸加水香一兩醋糊  
丸每服五十丸米湯砂仁湯任下

戊巳丸

局方

治溼熱泄痢腹痛不止

佐金丸加白芍六兩神麴糊丸空心米湯砂仁

湯蘄艾湯任下

大補丸 治陰火亢極足脛疼熱不能久立及婦人

火鬱發熱

厚黃藥

醬酒拌陳米飯上蒸每蒸必拌炒黑亮如漆為度

煉白蜜丸梧子大每服二錢空心醇酒下如服之  
不應每觔加厚肉桂一兩

潛行散 治溼熱足膝腫痛

大補丸

川黃汁拌炒數次

為末每服錢半空心醇酒下

大補陰丸

治陰虛火旺煩熱易饑足膝疼熱

大補丸四兩加知母四兩熟地黃龜版各六兩  
豬脊髓和蜜丸梧子大空心薑鹽湯下五十九  
滋腎丸 治陰虛火渴小便清痛熱起足心

大補丸十分加知母七分肉桂一分滴水爲丸  
食前沸湯下七八十九

凡熱在足心直衝股內而入腹者。謂之陰火。起於  
湧泉之下。雖熱而不發。湯爲熱在膀胱。此方主之。  
虎潛丸 治下體痿弱

大補丸三兩加龜版熟地各三兩知母牛膝各

二兩白芍藥瑣陽虎脰骨當歸身各一兩五錢  
炮薑半兩醇酒爲丸。侵晨淡鹽湯下三錢。痿而  
厥冷。加熱附子半枚。

虎體陰性。剛而好動。故欲其潛。使補陰藥咸隨其  
性。潛伏不動。得以振剛勁之力。則下體受陰矣。其  
膝脰乃筋骨結聚。功力最優。若用掌骨。各隨患之  
前後左右取用。不必拘於左前爲善也。

加味虎潛丸 治痿濡而厥

虎潛丸去知母。加入參黃耆山藥枸杞各二兩。



五味子一兩

二妙散 治身半已下溼熱疼重而腫

大補丸

改用薑汁製數次淨加茅山蒼朮

去皮切麻油拌炒淨等分

爲散薑汁調每日空心溫酒送二錢

木方加肉桂名三妙散

金液丹

治陰極發躁厥冷脈伏爪甲唇青水腫脈伏小便不通陰結畏寒大便秘。

明淨硫黃五兩研細水飛入湯盛罐內水調赤

石脂末封口鹽泥通身固濟候乾三足釘釘於

地將罐放釘上漫火燒養七晝夜再加頂火用炭十觔爲度候冷取出研細每末一兩用蒸餅一兩打糊爲丸梧子大每服二三十丸溫白湯送下陰極冷甚者服百丸

靈砂丹 局方 治上盛下虛痰涎壅盛最能鎮降虛

火升降陰陽和五臟助真元

水銀 四兩 硫黃 一兩

石二味新銚內炒成砂子入水火兩般煉爲末糯米糊丸如麻子大每服三九空心棗湯米湯并花

水人參湯任下量病輕重可增至五七丸忌豬羊  
血菜豆粉冷滑之物

又法入煬盛礮內赤石脂封口鹽泥固濟三足釘  
釘打火盞內置水勿令乾候三炷香足爲度

二氣丹 治伏暑傷冷二氣交錯中脘痞結或瀉或  
吐

硝石

硫黃 等分

右爲細末銀石器內炒黃色再研細糯米糊丸梧  
子大每服五七丸新汲井花水下不應更服

玉真丸 治腎厥頭痛四肢逆冷

硝石

硫黃

味同製如二氣用石膏生

半夏

湯泡七次等分

為木薑汁和神麴丸食後薑湯下二三十九丸虛寒

甚者加鍾乳粉

半硫丸

局方

治高年冷秘虛秘及痰癖冷氣

硫黃

醋煨柳木槌碎研

半夏

湯泡七次等分

右二味等分用生薑自然汁調蒸餅糊杵數百下

丸如梧子大每服十五丸至二十九丸空心無灰酒

或生薑湯任下婦人醋湯下

養正丹局方

治上盛下虛氣不升降元陽虧損氣

短身羸及中風痰盛涎潮不省人事傷寒陰盛自

汗脣青婦人血海久冷

水銀

黑錫

與水銀結成砂子

硫黃

研

硃砂

水飛各兩淨

用鐵銚鎔化黑錫入水銀將柳木槌攪次下硃砂

攪令不見星子下少時方入硫黃末急攪成汁和

勻如有焰以醋灑之候冷取出研細煮糯米糊丸

漿豆大每服十五丸至三十丸鹽湯或棗湯人參

湯任下或丸如芡實圖服一九得睡勿驚覺

來復丹

局方

治上盛下虛寒外熱及伏暑泄瀉

如水

硝石

硫黃

同硝石為末銀石器內浸火炒柳木槌攪之不

火以傷藥力

太陰元精石

水飛青皮去穢

陳皮

去白各一兩

五靈脂

酒飛去砂石澄定曬乾二兩

為末古法以醋和丸米飲下因醋易微壞今改用

米飲糊丸如梧子大每服三十丸空心醋湯下

黑錫丹 局方

治真元虧憊陽氣不固陰氣逆衝三

焦不和冷氣刺痛腰背沉重男子精冷滑泄婦人

白帶清冷及陰證陰毒四肢厥冷不省人事急吞

百丸即使回陽大能升降陰陽降痰定喘

沉香

附子 炮

葫蘆巴

酒浸炒

陽起石

煨 葉

補骨脂

舶上茴香

肉豆蔻

煨

金鈴子

酒蒸去  
皮核

木香

各一兩

肉桂

半兩

黑錫

鎔去  
渣

硫黃

各二兩

右用黑錫入鐵銚內鎔化入硫黃如常法製結成

砂子地上出火毒研令極細餘藥並細末和勻白  
朝至暮研至黑光色爲度酒麴糊丸如梧子大陰  
乾藏鉛罐內每服四五十丸空心鹽湯或棗湯薑  
湯任下婦人艾湯下惡證可投百丸

三和丹 治一切陰寒諸藥不効者

養正丹十九來復丹二十九黑錫丹三十丸鹽  
湯棗湯薑湯人參湯任下

附張介賓八畧總論

補畧



一補方之制。補其虛也。凡氣虛者宜補其土。人參黃耆之屬是也。精虛者宜補其下。熟地枸杞之屬是也。陽虛者宜補而兼煖。桂附乾薑之屬是也。陰虛者宜補而兼清。門冬芍地之屬是也。此固陰陽之治辨也。其有氣因精而虛者。自當補精以化氣。精因氣而虛者。自當補氣以生精。又有陽失陰而離者。不補陰。何以收散亡之氣。水失火而敗者。不補火。何以蘇垂絕之陰。此又陰陽相濟之妙用也。故善補陽者必於陰中求陽。則陽得陰助而生化無窮。善補陰者必於陽

中求陰則陰得陽升而泉源不竭。余故曰以精氣分陰陽則陰陽不可離。以寒熱分陰陽則陰陽不可混。此又陰陽邪正之離合也。故凡陽虛多寒者宜補以甘溫而清潤之品。非所宜。陰虛多熱者宜補以甘涼而辛燥之類。不可用。知宜知避則不惟用補而八方之制皆可得而貫通矣。

### 和畧

一和方之制和其不和者也。凡病兼虛者補而和之。兼滯者行而和之。兼寒者溫而和之。兼熱者涼而和之。

之和之爲義廣矣。亦猶土兼四氣。其於補瀉溫涼之用。無所不及。務在調平元氣。不失中和之爲貴也。故凡陰虛於下。而精血虧損者。忌利小便。如四苓通草湯之屬是也。陰虛於上。而肺熱乾欬者。忌用辛燥。如半夏蒼朮細辛香附芩歸白朮之屬是也。陽虛於上者。忌消耗。如陳皮砂仁木香檳榔之屬是也。陽虛於下者。忌沉寒。如黃蘗知母梔子木通之屬是也。大便泄瀉者。忌滑利。如二冬牛膝從蓉當歸柴胡童便之屬是也。表邪未解者。忌收斂。如五味棗仁地榆文蛤

之屬是也。氣滯者忌閉寒。如黃耆、白朮、山藥、甘草之屬是也。經滯者忌寒凝。如門冬、生地、石斛、麥連之屬是也。凡邪火在上者不宜升火得升而愈熾矣。沉寒在下者不宜降陰被降而愈亡矣。諸動者不宜再動。如火動者忌溫煖。血動者忌辛香。汗動者忌疎散。神動者忌耗傷。凡性味之不靜者皆所當慎。其於剛暴更甚者。則又在不言可知也。諸靜者不宜再靜。如沉微、細弱者。脈之靜也。神昏氣怯者。陽之靜也。肌體清寒者。表之靜也。口腹畏寒者。裏之靜也。凡性味之陰

柔者。皆所當慎。其於沉寒更甚者。又在不言可知也。夫陽主動。以動濟動。火上添油也。不焦爛乎。陰主靜。以靜益靜。雪上加霜也。不寂滅乎。凡前所論論其畧耳。而書不盡言。言不盡意。能因類而廣之。則存乎其人矣。不知此義。又何和劑之足云。

### 攻畧

一攻方之制。攻其實也。凡攻氣者。攻其聚。聚可散也。攻血者。攻其瘀。瘀可通也。攻積者。攻其堅。在藏者可破。可培。在經者可鍼。可灸也。攻痰者。攻其急。壯實者。

斬宜解標。多虛者只宜求本也。但諸病之實有微壯。用攻之法分重輕。大實者攻之未及。可以再加微實者。攻之太過。每因致害。凡病在陽者不可攻陰。在胸者不可攻藏。若此者邪必乘虛內陷。所謂引賊入寇也。病在陰者勿攻其陽。病在裏者勿攻其表。若此者病必因誤而甚。所謂自撤藩蔽也。大都治宜用攻。必其邪之甚者也。其若實邪果甚。自與攻藥相宜。不必雜之補劑。蓋實不嫌攻。若但畧加甘滯。便相牽制。虛不嫌補。若但畧加消耗。偏覺相妨。所以寒實者最不

喜清熱實者最。不喜燥然實而誤補。不過增病。病增者。可解。虛而誤攻。必先脫元。元脫者。無治矣。是皆攻法之要也。其或虛中有實。實中有虛。此又當酌其權宜。不在急宜攻。急宜補者之例。雖然。凡用攻之法。所以除克剪暴也。亦猶亂世之兵。必不可無。然惟必不得已。乃可用之。若或有疑。慎勿輕試。蓋攻雖去邪。過則傷氣。受益者四。受損者六。故攻之一法。先哲最爲詳審。正恐其成之難。敗之易耳。倘任意不思。其其可知矣。

散畧

蓋麻黃爲太陽之本藥。不可移易。裁一節。石頑潤色。

一散方之制散表證也。觀仲景太陽證用麻黃湯。陽明證用葛根湯。少陽證用小柴胡湯。此散表之準繩也。後世宗之而復不能用之。在不得其意耳。蓋麻黃爲太陽之本藥。陽明經證亦多用之。觀陽明經證治例。其義可見。按麻黃苦溫。專泄肺氣。仲景借以開發太陽經邪。爲解表之重劑。若非冬月正傷寒。原無藉此。卽陽明之葛根湯。未嘗不用麻黃。未嘗不走太陽也。豈謂其經其藥。必不可移易哉。但用散之法。當知



性力緩急及氣味溫寒之辨。用得其宜。諸經無不應也。如麻黃桂枝峻散者也。防風荆芥紫蘇平散者也。細辛白芷生薑溫散者也。升麻川芎能舉陷上行而散者也。第邪淺者忌峻利之屬。氣弱者忌雄悍之屬。熱多者忌溫散之屬。寒多者忌清涼之屬。凡渴而煩燥者喜乾葛。而嘔惡忌之。寒熱往來者宜柴胡。而泄瀉者忌之。寒邪在上者宜升麻。用芍而內熱火升者忌之。此性用之宜忌。所當辨也。至於相配之法。則尤當知要。凡以平兼清。自宜涼散。以平兼暖。亦可溫經。

宜大溫者以熱。濟熱宜大涼者以寒。濟寒此其運用之權。則毫釐進退。自有伸縮之妙。又何必膠桂刻舟以限無窮之病變哉。此無他在。不知伸景之意耳。

### 寒畧

一寒方之制。爲清火也。爲除熱也。夫火有陰陽。熱分上下。據古方書。咸謂黃連清心。黃芩清肺。石斛芍藥。清脾龍膽。清肝。黃柏清腎。今之用者。多守此法。亦是膠柱法也。大凡寒涼之物。皆能瀉火。豈有涼此而不涼彼者。但當分其輕清重濁。性力微甚。用得宜。則

善矣。大輕清者宜以清上。如黃芩、石斛、連翹、天花粉之屬也。重濁者宜於清下。如梔子、黃檗、龍膽、滑石之屬也。性力之厚者能清大熱。如石膏、黃連、蘆薈、苦參、山豆根之屬也。性力之緩者能清微熱。如地骨皮、玄參、貝母、石斛、帝使之屬也。以攻而用者去實鬱之熱。如大黃、芒硝之屬也。以利而用者去癰閉之熱。如木通、茵陳、豬苓、澤瀉之屬也。以補而用者去陰虛枯燥之熱。如生地、二冬、芍藥、梨漿、細甘草之屬也。方書之分經用藥者意正在此。但不能明言其意耳。然火之

甚者在。上亦宜重。濁火之微者在。下亦可輕清。夫宜  
涼之熱。皆實熱也。實熱在下。自宜清利。實熱在上。不  
可升提。蓋火本屬陽。宜從陰治。從陰治者。宜降。升則  
反從其陽矣。經曰。高者抑之。義可知也。外如東垣有  
升陽散火之法。此以表邪生熱者。設不得與伏火內  
炎者並論。表邪生熱當作鬱熱外發為妄

熱畧

一熱方之制。為除寒也。夫寒之為病。有寒邪犯於肌  
表者。有生冷傷於脾胃者。有陰寒中於藏府者。此皆

外來之寒。夫所從來。則其治也。是皆人所易知者。至於本來之寒。生於無形無響之間。初無所感。莫測其因。人之病此者最多。知此者最少。果何謂哉。觀丹溪曰。氣有餘。便是火。余續之曰。氣不足。便是寒。夫今人之氣有餘者。能十中之幾。具有或因稟受。或因喪敗。以致陽氣不足者。多見寒從中生。而陽衰之病。無所不致。第其由來者。漸形見者。微。當其未覺也。孰爲之意。及其既甚也。始知難治。矧庸醫多有不識。每以假熱爲真火。因復斃於無形無響者。又不知其幾許也。

故惟高明見道之士常以陽衰根本爲憂此熱力之不可不豫也凡用熱之法如乾薑能溫中亦能發表嘔惡無汗者宜之肉桂能行血善達四肢血滯多痛者宜之吳茱萸善煖下焦腹痛泄瀉者極妙肉豆蔻可溫脾胃食泄滑利者最奇胡椒溫胃和中其類近於草撥丁香止嘔行氣其煖過於豆蔻補骨脂性降而善閉故能納氣定喘止帶濁泄瀉製附子性行如酒故無處不到能救急回陽至若半夏南星細辛烏藥良薑香附木香茴香仙茅巴戟之屬皆性溫之當

辨者然用熱之法尚有其要以散兼溫者散寒邪也。以行兼溫者行寒滯也。以補兼溫者補虛寒也。第多汗者忌薑。薑能散也。失血者忌桂。桂動血也。氣短氣怯者忌骨脂。骨脂降氣也。大凡氣香者皆不利於氣。虛證味辛者多不利於見血證。是用熱之槩也。至於附子之辨。凡今之用者。必待勢不可爲不得已。然後用之。不知回陽之功。當於陽氣將去之際。便當漸用以望挽回。若用於既去之後。死灰不可復燃。尚何益於事哉。但附子性悍。獨任爲難。必得大甘之品。如人

參熟地炙甘草之類皆足以制其剛而濟其勇以補培之無往不利矣此壺天中大將軍也可謂之無川之地乎但知之真而用之善斯足稱將將之手矣

### 固畧

一固方之制固其泄也如久嗽爲喘而氣泄於上者宜固其肺久遺成淋而精脫於下者宜固其腎小水不禁者宜固其膀胱大便不禁者宜固其腸藏汗泄不止者宜固其皮毛血洩不止者宜固其營衛凡因寒而泄者當固之以熱因熱而泄者當固之以寒總



之在上者在表者皆宜固氣氣主在肺也。在下者在裏者皆宜固精精主在腎也。然虛者可固實者不可固。久者可固暴者不可固。當固不固則滄海亦將竭。不當固而固則閉門延寇也。二者俱當詳酌之。

### 因畧

一因方之制。因其可因者也。凡病有相同者皆可按證而用之。是謂因方。如癰毒之起腫可敷也。蛇蟲之患毒可解也。湯火傷其肌膚熱可散也。跌撲傷其筋骨斷可續也。凡此之類皆因證而可藥者也。然因中

有不可因者。又在乎證同而因不同耳。蓋人之虛實寒熱。各有不齊。表裏陰陽。治當分類。故有宜乎此而不宜乎彼者。有同於表而不同於裏者。所以病雖相類。而但涉內傷者。便當於血氣中酌其可否之因。不可謂因方之類。盡可因之而用也。因之爲用。有因標者。有因本者。勿因此因字而誤認因方之義。

兼畧 石頑參補

一兼方之制。用間法也。與師旅之間諜無異。舉世但知以寒治熱。以熱治寒。曷知病勢之危殆。錯雜難分。

况多假脈假證。非洞達玉函金匱之奧。難以語此。如  
長證用麻黃。此正治也。越脾大青龍。則兼石膏以化  
熱。麻附細辛湯。麻附甘草湯。則兼附子以救寒。此變  
法也。陰寒用附子。此正治也。真武湯。則兼生薑以散  
水氣。白通通脈。則兼葱白以通陽。豬膽汁以收陰。此  
變法也。府實用大黃。此正治也。大黃附子湯。附子瀉  
心湯。則兼附子以破結。黃龍湯。則兼人參以助力。足  
補南陽之木。逮此變法也。陽邪陷陰。欲轉陽。分用芍  
藥甘草。護持營氣。此正治也。四逆散。則兼柴胡以通

中道當歸四逆則兼桂枝以通接壤使陰從陽化此  
變法中之定法也妊娠胎息不安用茯苓芍藥護持  
陰血此正治也附子湯則兼附子以治子藏開少腹  
如扇桂心茯苓丸則兼桂心以治宿有癥病胎動下  
血始知桂附反有固胎之用是皆病證之變端不能  
守尋常繩墨也然必察其生氣未艾方可特出奇兵  
以擊之若脈證俱始慎勿貪功以招燥金之勞也  
讀景岳先生八畧至末條因畧畧無深意而獨不  
及兼制之法余不自揣贅入此例以續貂之不足

其因畧原文不敢擅裁仍兩存之石頑老人漫述